

兩浙輶軒續錄

兩浙輶軒續錄卷十一目

章 煦 許學范 黃河清 龔 渭 陳鴻賓

楊 倬 孫鳳儀 周龍騏 戴 亨 馮 樽

施國祁 余 江 王國泰 魯紹龍 魏崇簡

鄭又鑰 葉 環 余之樞 姜雲湘 施 玠

孫傳曾 何承燕 許肇封 馬緯雲 吳蘭庭

宗聖垣 齊先覺 程尚濂 湯 溢 陳 時

王一紳 陳雲飛 舒紹言 王家駿 李 榕

徐麟趾 吳 鯤 汪仁溥 郭 毓 吳 深

彭 頊 王 炳 章 義 徐履誠 柴楫青

吳錫麒 許 烺 蕭 濂 張姚成 陳觀國

羅錦森 汪輝祖 徐立綱 梁學昌 陸光濂

周祚宏 陳世熙 吳炳 汪忭 朱上杞

兩浙轉軒續錄卷十一

督學使者潘衍桐訂

章

煦

字曜青號桐門錢塘人乾隆壬辰進士官至文淵閣大學士諡文簡

吳振械曰吾師文簡公由中書入值

主

樞禁渥破

長出膺列岳之尊入為六官之長謙厚端謹世皆以鉅人

予告

長者稱目晚年以足疾乞休

歸里乃購嚴侍郎泉園居之花酣酒熟輒招一二故人

流連談讌壬午之冬余自京師返杭鷓子滄浪書屋語以當官治事之道竟日媿媿不倦迨自滇中歸則吾師已厭世矣彭宣漸老而後堂絲竹無復重聞展視遺篇不勝懷黯

題景福泉雪泉圖

欲寫清白意何如此雪泉幾人同臭味一紙感雲煙是見前  
生相因添見在緣江湖已歲暮相對正怡然

題潛園吟社圖

歸老林泉送歲華過從里巷路非賒

兩朝恩遇真循吏八社才名此作家同病未知誰健藥有詩  
多半為題花文章報

國需公等莫遂扁舟隱若耶

許學范 字希六號小范又號芋園錢塘人  
乾隆壬辰進士官刑部員外郎

杭郡詩三輯芋園先世佐洪文襄幕多陰德及授雲龍  
州定鹽井均輸法民因以蘇太夫人馬恭人八十壽辰

恩賞羨榮芝茂額既而得元孫  
賜五世同堂額丙子歲芋園又得元孫

賜一門再見額七子  
登科孫會甚盛

家伯母玉岑樓紀事詩

愛研載籍列丹青王母雲旗擘巨靈隳括名山柱下史虛靈

妙果佛天經畫圖細寫荆關筆事蹟分題鍾郝型一樹藤花

陰滿院清風曲檻挹微馨

黃河清 字文徵號潤川臨海人乾隆壬辰進士官江  
西宜春知縣著有樸學堂詩文集台故隨筆

縣志河清幼敏悟博通載籍銳志潛修以古大家文範  
自期劉閣學鳳詒微時河清見其文決爲臺閣器及乘  
輅嘗詢黃先生後人若何且曰先生文章  
不但弁冕東南卽館閣巨公亦罕出其右  
宋世舉曰先生潛心力學前後服官二十年秉燭讀書  
寒暑無間得視笈卽手自鈔錄篋中珍本無虛百數十  
橫學堂詩格凡三變未筮仕以先規樞唐音入蜀後自  
出手眼動與古會江右所作沈郁雄奇直入韓杜之室

棧中襍詩

入棧始益門日與平地遠山深箐復密時就茅店飯崖腹洩  
雲封壑隙奔雷輓萬盤梯青冥一竅鑿混沌俯窺怪鳥巢橫  
穴猛獸圈人肖木皮瘦石鬪鐵蹄踠壯哉淮陰侯漢道首開  
墾放翁志亦豪秋風思磨盾慷慨懷昔人努力上修阪

崇山夾人行古道行逾仄天罅藤蘿光晝蔽楓林黑陂陀遞  
出沒明暗俄通塞相遇但睥眦停驂仰脅息去路窅不知前  
途暝日色

陰森壓怒流，陡絕觀音彌崖峭。神鬼愁石鬪，風水卷半壁。當  
面欹二分，垂趾慳隙。碣緣秋毫戰，慄說幸免我。聞賈中丞醢  
沃薪用輝，天意俾跼踖。人功竭開展，近已狎畏途。長嘯仰翠  
巘。

宿霧挾嵐飛，路向霧中上。霧倏在下方，人作天際想。真如寥  
廓翔梧竹，許嗣響驚颺。忽吹開絕頂，延清賞。泰山貼地堆秦  
川，平若掌。居高誰思危，一落千丈強。

一曲雨淋鈴，聽者輒愁絕。何況入棧中，而逢秋潦節。隘道晝  
昏霾，強弩橫邀截。衣溼七盤雲，馬蹶五丁血。澗壑沒故蹊，崖  
垠露新齧。

深山大澤會，自古龍作宮。我行履其顛，腳底號陰風。徒御毋  
或喧，謂恐驚雷公。水石怒相鬪，已足三日聳。神物不可見，雲

氣時冥濛

連山蒼入雲大劔當面起登降歷九天乃及關門趾嵐氣饒  
空青斜照搖影紫齒齒懸石梯得得愁馬跪顧茲天下雄張  
銘溯妙旨在德不在險厥鑒該前史生逢

皇輿平月黜盡東靡

聖治廣懷柔重阻會不恃秋風吹客衣心魄壯行子

暝投山莊

未知何處宿深竹一燈懸野碓春明月山籬漱暗泉叩門孤  
客倦具黍主人賢安枕翻無寐沈吟木雁篇

自白水鎮放船經羅園唐天牛心諸谿中經大高山兩  
崖壁立九曲縈迴流覽補陀巖魯班峽諸勝不但較  
山行爲差適矣晚至三堆壩仍宿寺寮是夜霰雪交



下明晨雪止登舟過羣珠灣粗石棧等處寒光映發  
遠近峰巒戴雪衣雲隱見出沒空際奇譎難名亦塵  
勞中一清涼散也

山蹊泐緣江乘舟差不惡水自西傾來與漢匯縣郭故鎮白  
水城西隍想營度西谷既入之南趨逾噴薄篙師狎順流雙  
橈任輕掠滌澗沙吐脣湛深石插腳洹陰迫季冬諸谿半就  
涸水口露槎枒石棱淬鋒鏗振柁捷有神駛於飛青鵲仰睇  
來時路倒懸綫縷弱始覺冒垂堂真悔浪躡躡中經大高山  
木馬傳此作當年忠武侯盡瘁酬顧託工巧本肫誠指揮擘  
雄略決勝終耕屯恨未收許洛寒濤怒難平轉石猶相搏異  
景迭送迎有情相縈絡巖疑宴坐留峽訝神斤削雙崖東潭  
淵百轉移洞壑何惜遲解維莫聽荒城柝暝色合墟煙且傍

平岸泊遵陸此會棲荒刹語風鐸鳴瓦凍雨來開門已皓若  
桑下等隨緣是身無住著明發仍登舟同雲盡低幕前下羣  
珠灣恰穿石罅落浪花皆倒飛六出光交燦還沂山勢行復  
沿棧迹錯插天太白重遙渡馬鳴閣蜀魏昔戰爭陰平此筦  
鑰石氣陰崢嶸崖痕贖斧鑿一夫奮當關老罷不敢攬助奇  
資點綴引勝足酬酢迴湍雙凝酥峭壁出新堊鏡涵玉屏障  
冰垂寶瓔珞夜來神功施頓使靈境各遠峰逗雲中意態爭  
踴躍蓬萊島虛無姑射仙綽約陳芟蒸素芝老樹茁奇萼出  
峽穿巴江舟如近廬霍龍公妙控搏畫史失盤礴誰謂太清  
寒心迹甘寂寞石鷲冷不飛矯翼羨雲鶴從此過石門山岸  
漸開廓宿霧晨徐收霽旭午初鑠數日局輪蹄馳驟加束縛  
雖無熱惱情遇此亦聖藥我生山水鄉濟勝輸猿獾愛上山

陰舟雪夜覆蓬箬入蜀飽崎嶇未牽青絲絳一湖桓水流俯  
仰感今昨泛宅卽神仙何時踐此諾蓑笠獨釣翁相對能無  
作

海門

蒼茫江海會勢如龍戰野連山一束之兩崖迴豁間巖封冠  
甬甌勅對惟龕楮地險從天設善閉非槌把無外固德然有  
截自王者信國昔經營謂湯和國碁眞善下泊乎中葉衰幾等  
舊防舍姦人挾島夷出入道不假攻剽連城邑殺戮及孤寡  
國初網閒漏鯨鯢終爲鮪浩蕩禁長開綢繆在旃厦至今金  
沙灘夜濤聲振瓦父老話南塘激昂淚頻灑謂戚繼光

金沙洞

我聞道家言洞天三十六與者不皆仙遺者甯必俗卽如金

沙洞嵌空入山足蒙密覆幽篁周繚以佛屋境淨不可唾詣  
深須秉燭人言清暑宜氣蕭無三伏秋濤春夜枕訝欲搖坤  
軸旁有洞無名僧廬近相屬結鄰固自佳薄遊亦已足僻右  
直海涯何來客剝啄遂如布衣俠儒墨均弗錄郡邑志亦不載桃源  
殊荒唐委羽真局蹙耳食吾不能感懷書卽目

題洪君載厚詩卷

國初四友皆人豪

馮蒿庵司寇寄石湖詩云馬生洪生稱四友

君家觀察名殊高

君祖南沙先生

南沙文集久紙貴君更卓犖親風騷都門握手出所

作一卷氣挾胥江濤寒空萬里盤鵬鷲長秋一駕騰雄鷲干  
鈞已看筆力挽獨繭還覘思緒縑硬語直摩韓子壘新態肯  
舖蘇公糟吾鄉古風日陵替琵琶箏笛紛噴嘈君以和聲鳴  
盛世明堂清廟朱絲操昔者宗工愛才劇江東獨步非虛褒

平生遊處惜不偶今各以詩為雁羔東家相輕嗟俗見後生  
可畏驚顛毛是時雪虐風復饗夜窗細讀鐙頻挑長篇短咏  
勇可賈想見白戰酣相鏖眼花恐為滕六眩背癢快倩麻姑  
搔葉奇方擬著草木李白早見雜蓬蒿他時得意登臺閣毋  
忘呵凍濡南毫

龔

渭 字望濱號竹谿西安人乾隆壬辰進士官江西萍鄉知縣著竹谿吟藁

陳傳經傳略竹谿性孝友而績學工詞翰尤精書法名

南巡

召試取二等

賜絹二匹選四川鹽亭知縣以親老改近授江西萍鄉知縣

未抵任 遽卒

題宋招討使王安故宅

斯人高躅何人繼鶴怨猿嗥八百年我欲梯崖架一广自驅

黃犢種山煙

陳鴻賓

字用儀 塘諳生

杭郡詩續輯用儀工畫爲青浦王述庵少司寇作三泖漁莊圖一時海內知名士咸有題詠

己亥臘日爲王述庵廷尉畫三泖漁莊圖并題

小築長耽物外幽  
漁兒漁弟共汀洲  
遮門楊柳一林暗  
照眼芙蓉幾朵秋  
張志和應愛青笠  
陸天隨合老扁舟  
分明不似官人樣  
著箇紅衣稱得不

陶然亭雅集賦呈述庵先生

秋晴喜嘉招眺覽意彌適  
一徑入葭菼野水漾空碧  
有亭翼然起獨向城隅闕  
宛遊江湖閒扁舟傍沙磧  
西山忽當面爽氣欲迎客  
變幻雲霞生葱鬱蒼翠積  
憑欄肆遐睇綺若成畫格  
九衢車馬喧塵土苦役役  
而我物外遊羈懷得暫釋  
維公金閨彥亦具泉石癖  
一尊常共攜流連更日夕  
漠漠昏煙合

遲遲歸騎策不省尺五天  
岿堯香界隔

楊

倬

字子越  
錢塘人

秣陵雜詠

城南登眺處傳是雨花臺  
野曠層陰合山空積翠開  
吳雲連海動朔雪暗江來  
坐覺煙霄外風聲戰角哀

孫鳳儀

字梧生  
錢塘諸生

九月朔爲溫公忌辰懸黨人碑于堂約同人設奠拜祀  
追溯前賢蹟六百有餘稔清節逢高秋千載神不泯家藏元  
祐碑薰沐拭塵溷又軸懸中堂生氣尙凜凜是日天氣清明  
儕集茅徑椒漿酌深卮跪拜致恭敬神去動靈旂往事淚重  
搵三百有九人嗟哉陷姦穽若非佞人言何以顯忠正通鑑  
兆焚如卷軸存亦幸安民抑何賢乞免列名姓若輩怒又遷

鑄工改王俊直道三代存一語怵梟獍斯舉非尋常元惡徒  
悻悻魄未彼蒼禡筆勢特遒勁昔之端禮門轉瞬付灰燼書  
名石亦珍椎甃重逾甚予家喪亂餘遺此傳縣互呵護在天  
靈韞積其敢輕俯仰諸先生詩以寫幽憤嫉惡貴勿嚴千古  
不磨論

周龍騏

字稼秋號樨  
林錢塘諸生

訪荀子讀書處

錢塘山水佳自古多僑寓許由隱稽留傳者疑牽傳荀況本  
趙人悲歌習難污游跡到武林亦愛幽閒趣結廬靈芝鄉紛  
華目無遇當其得意時大論盡傾吐有醇亦有疵昌黎爲糾  
誤名與揚雄齊聖籍終難附若其守正時讒邪無所思廢死  
走蘭陵不復歸邱墓蕭寺距城遙猶存讀書處訪古詣西山



行行望煙樹偏駁學空勤語本愴懷感歧路衰柳挂斜陽徘徊不忍去

戴亨

字通乾一字遂堂瀋陽人仁和籍官山東齊河知縣著慶芝堂詩集十八卷

韓彥會序略通乾先生才調飛騫襟抱歷落行祕

書之博洽遜厥蕭疏元才子之風流讓其峻整

任瑗序略遼東有三老人至有聲李鐵君陳石問戴通

乾也通乾老人然諾不侵有忠孝大節其詩渾灑萬狀

不媿

作家

母病

伊昔生我時家室遭顛倒我父罹禍羅我母誓不保倉卒

國門辭親知慘避情余生甫二月仲兄年周小路險慮活難

存嬰費襁褓謀奪乘危機紛紜發言巧曲折轉柔腸欲舍心

懊惱懷幼仲臥膝病弱聲微渺車中嚴戒約動息愁驚攢懽

悴抵貞番黃沙抱荒草家鄉夢暫歸魂斷哀笳繞永夜坐長

歎月苦霜天曉絕域無親知飢寒向誰道更遇年歲凶溝壑  
轉瘠殍力謀死中生糟糠延昏早飢困不得乳沿求向鄰媪  
求之日以頻鄰媪厭煩擾兒哭母亦啼兒飢母豈飽手作口  
復哺百計望兒好此事幼不知長聽心如擣欲報昊天恩詩  
書奮讎討寒燈敵塞雪情苦忘集蓼一檄捧可干冀親長壽  
考昕夕力不輟摘詞慚古藻初試錄賢宮再試賢書標三試  
擢禮闈聲名振矯矯自分亦英奇立可申懷抱事竟與願違  
羈愁若籠鳥三年餓欲死歸覲貧如掃感歎復欲獻兒成母  
已老四體抱病疴骨立顏枯槁省問兒心傷沈痛迫中腸含  
悲詰名醫葠苓劑良方紫團貴如珠且復無私藏聽之不能  
語涕淚滿衣裳醫問余何悲欲答心愴惶菽水且莫飽安冀  
母病減人生能幾時白日行天忙親老不能養親病卷空張

吁嗟不肖身何以齒周行

訓士吟

北方有潛客性嗜蘭蕙姿培根復誅蔓汲清灌漑之吐芳出羣卉豈曰國香衰顧茲桂與蒨將隨九畹滋枝葉峻以茂采擷冀及時奉爲君子佩連茹以爲期

置身在宇宙擔當復誰諉人心能不死天地因之位廣屢覆萬人交疏綺筵備所賴大匠能經營使不墜草甲出句芒芟刈從此始荆棘忽成林長鏡不可治爾我固陋姿仔肩誠不易日月不停徂反躬多疵累先師已有言四十不足畏

羊質虎其文雖美而不彰躬行苟不逮何必徒文章篤論竦眞聽摛藻闡德光立言固所重飾僞棄厥常安得華與實內外無低昂

原泉流不息積水成巨川爲山簣不輟積土凌雲煙積跬致  
千里積善成聖賢孰微而不著孰行而不前嗟彼器一滿不  
復增埃涓所以英俊人虛受而德遷

朝見槿花開暮見槿花死非無一時榮不久長如此獵獵谷  
中風泠泠澗中水蒼蒼松柏姿亭亭水風裏凝寒詎不酷貞  
性素所履良禽擇木棲戢羽欣來止託根貴託堅永爲歲寒  
特

求人人則賤求我我自尊曷弗安所遇反覆枯靈根緬彼空  
桑子崛起自邱原不物而物物抱道豈終淪苟子能自淑文  
錦在結鶉捷徑而窘步福伏禍之門所重在自立貴賤無定  
論

張侍御平魏闡墓碑歌 并序

侍御名瑗辛未會元巡視西城故有是舉乾隆丙辰

令嗣全嘉任大興令句余賦詩

自古闢豎傾朝綱前有劉漢後李唐受禍無如明代烈蒙塵  
土木狂劉猖列卿將相盡名士稱功頌德甘奴婢黨籍誅羅  
作爪牙一時英俊難逃死熹廟復寵魏忠賢烈火毒燄熏高  
天醴交勢合走東廠東林善類阮炎煙磔死何足蔽毫末銅  
駝石馬高碑矧糞壤壯麗侔橋陵名勝何辜遭污蠚我  
朝定鼎日華開曲江風度居蘭臺西山偶停驄馬足穢碑鐫  
列何崔嵬孝男孝孫盡勳戚一瞬空山飛霹靂凜然鐵筆吹  
霜風百年凶臭俄濺滌吁嗟乎當年纒首已逃刑卽今撮土  
猶夷平後來貂璫應震懼張公靈爽山林憑碧雲寺前好雲  
樹去年曾踏盤紆路振藜穿翠坐高軒月照千峰儼凝素

覺羅八姑貞孝詩 并序

姑名學誠字丹奉宗室大宗伯 蘇麻 公幼女浙江撫

軍 雅爾哈善 公胞妹幼傷背不字事親孝讀書尙實

學不以文詞見長乾隆十七年十一月卒年二十九  
著有素言八十六則粹然儒者之言噫敦倫砥行吾  
輩所難而竟得之閨閣處子且敬且媿歌以紀之

吾嘗披卷讀蒙莊天有所全形可忘至人委體若遺土菁華  
內運神明昌相刃相闕萬感集官骸雖具中先戕誰能外形  
篤至性祓濯靈府生輝光覺羅有八姑派系出天潢父爲大  
宗伯兄秉節鉞膺封疆姑生幼傷背天欲厄之人則強世人  
重貌不重德惡能低頭宛頸希頰頰蕙甘心在幽谷不與  
凡卉同芬芳瞻依怙恃永朝夕天倫無忝樂且康研經練史

發精蘊陳椒謝絮殊虛張冰作肝腸玉作骨賢媛自古誰能  
方安得長留此姑作軌範盡化天下閭閻咸端莊柰何維皇  
不佑善年未三十旋中殤慈闈白髮呼孝女兄亦蹀躞悲雁  
行殘編撫拾在人口將與日月爭輝煌八十六則聖賢髓熊  
熊瑞餒騰篇章男兒讀書萬卷騁才駿幾人肯構顏曾堂見  
此聘貽應阻喪撫躬翻覺形摧藏吁嗟嘻我亦具此堂堂七  
尺之丰儀嗜古豈屑矜文詞卽今因循忽衰老不覺汗下慙  
鬚眉熏沐反覆還自歎縱能憤激時亦遲我

朝德化如闕雎公族公姓多岐疑詎意殘軀弱質一女子媵  
脩直與名儒齊支離疏申徒嘉古人立說非吾欺天全真覺  
形可遺於戲天全真覺形可遺高山仰止窮攀躋

丙子歲暮得王進士蘭泉

烈

書卻寄

蘭泉來書欲得余詩選入湖海詩傳

淞柳聲名久金閭邂逅新維舟方繾綣分手忽逡巡湖海干  
秋業榮枯百歲身廣揆同大厦古調愧陽春

斯文欣契合時序感推遷不朽期今日論交罄百年眾流趨  
下壑孤岳聳高天大業非知己難將此意傳

馮

樽

號苑齋嘉興人  
著夢墨軒集

沈琳序略公賦性揮璞詩亦如之哲嗣魯巖先生筮  
仕部曹迎養都門逍遙几杖每託諸吟咏以遣興

北上留別戚友

垂老嗟行役秋深漸覺寒鄉心流水外驛路野雲端冷橐琴  
書敞疏篷坐臥寬親朋非不戀菽水在長安

退谷

老翁知勇退結茅傍幽谷豈欲保令名於焉澹榮祿泱泱泉  
自流洗心兼醒目會觀自在王高臥空山曲數椽膝可容倦



遊躑息足我本忘利名風塵厭馳逐披彼落帽風愛摘陶籬

菊知止惜餘年買山鄰許卜

歐佛寺旁即孫北海先生建亭處額名退翁臨深澗

施國祁

字非熊號北硯烏程諸生著禮耕堂集

縣志國祁嗜學工詩古文詞尤熟於金源事實撰金源

多成於

其中

家傳略北研工詩古文著有金源劄記三卷元遺山詩

集箋注十四卷吉貝居暇唱一卷均已刊行別有禮耕

堂文集外集叢

說詩集未刊

緝雅堂詩話非熊以二十年之力著金史詳校式訓堂

有鐫木其金源劄記則趙搗叔刻之近世學人于遼金

元三史用力至眾陳氏元史紀事本末簡略太甚未為

傳書吾友譚君叔裕有遼史紀事本末未刻而金源一

代尚屬闕如倘有為之

紀事者此必傳之作也

題胡歐庵詩鈔後

書水清光迴不羣同岑無那異苔分三年未遂趨塵望一飯

曾先記舊聞遺錦君推邱主簿傳杯我得孟參軍寥寥揚子  
居非遠擬約蘋洲話夕曛

多能天遣秀羸償倦客吟鐙半倚牀靜裏維摩聊示疾憤來  
元晏竟成狂逸民待刻碑頭字迴陌難鈔肘後方扶病重尋  
石湖賦夜深深禮大醫王

斷臂詩成已九秋相逢地下也應休遞衣有句悲孤篋同麻  
無端恨兩頭風雨半生東海夢人琴終古北邙愁新詩讀罷  
重回首怨月酸霜痛寺樓

貝氏園

近浦鷗迎船岸風晚猶吹得得名園尋遠心在偏地林石何  
奇峴劔鑿巧位置黃梅倚短檻獨立閒意思蒼樾表高亭遙  
企眾峰睡蔭畝竹更夥森束萬寒翠榦老遺冬綺鞭新茁春

籟槿援互四繚窈曲步欄遶人語破煙碧雀警雨籟墜幽疑  
任四閒雅足姚三瑞會邀軍判游屢接坡翁醉客來行不速  
未要主人遲

金史詳校成書十卷自序卷端附題于後

閒消我有肆簾風寓墨金源舊事叢野史功臣慙褚補圭齋  
諍友悔劉通書鈔冷局讎難徧字訂譌傳擬未工長此一編  
深篋底敢言載筆附羣公

余

江字石臺慈谿諸生

翁上詩輯先生窮老一巾晚以醫術浪遊松江三柳  
閒其詩冲淡真樸由其習次恬曠故筆墨瀟灑出塵

晚晴

積雲散江皋遠近轉明靜虛窗凝寒翠牆角淡霞影空林鳥  
聲絕落日孤村冷

青浦道中

客夢斷孤蓬澄江岸岸風清秋涼雨歇孤櫂碧天空綠滿葦  
絲路青餘鶴唳叢華亭已隱約憑弔夕陽中

卽景

水邊籬角斷霞紅五月輕寒船趁風香到刺藤花落處數聲  
唳上白頭公

王國泰

字星階  
會稽人

孫德祖曰先生工學窠書既為時所珍其為人孝友惇  
謹善薰一鄉家教之懿尤再世不替余女姪烈婦孫氏  
其冢孫婦孝子繼  
穀其第三孫也

幽居

占得煙霞窟全家入畫圖椽疏雲自補屋老樹常扶八口收  
菰米千頭判橘租仙源隨處是奚事寄江湖

魯紹龍

字稽山蕭山人著稽山吟草

永興集公素精堪輿為會稽陶公篋胥陶工繪事尤善指頭畫法公性嗜畫得所指授遂名於時

立秋

閒雲江岸淡忘機秋色無端上客衣  
茜萑輕紅猶豔豔梧桐深綠已飛飛  
風吹宿霧山光淨水落寒潭樹影稀  
漫道登臨悲宋玉一聲長嘯對斜暉

魏崇簡

字拙甫號霞橋諸暨諸生著問花山房詩草

鄞滋德曰先生詩咀含宋元諸名家所作體韻清雋饒有矩矱故清而不雜婉而多風

曬書

梅雨駸過三伏天滿架琳瑯生紫煙  
丹黃甲乙隨手舉紅蟬白蟬相結連  
卷帙蠕蠕柔如絲曲篆玲瓏珠九穿  
蠹魚蠹魚爾欲仙何不徑上蓬萊巔  
丹經青籙尋真詮否則同參清靜

禪齧盡黃庭道德篇痛掃一切虛無言爲我竭力扶聖賢曷  
爲嗜我青細編中庸味淡鮮知焉洛書河圖缺未全庖羲一  
畫斷不聯崑山玉碎珠黯然空教鼓爾腹便便我將一語告  
趙宣急駕羲和珊瑚鞭將毋殛之同羽淵雕蟲小技胡自專  
鄭又鑰字谷漁上虞貢生  
汪輝祖序略谷漁薦於倫常窮於  
遭際故其詩多纏綿悱惻之音  
龍游道中

客心悲遠道薄暮尙孤征水急難移棹灘多不記名片雲依  
樹宿斜月向人生遙想故園夜鐙前應計程

葉

環字楚賢  
金華人

西湖廢寺

半榻甚荒涼鳴禽集路旁牆穿山鼠穴屋古瓦松長花  
落憑

風掃苔殘帶雨黃空留門外水夜夜落寒塘

余之樞

字建南號懋齋西安廩生

徐沂傳略建南篤志嗜學不少懈為人謙退自處存心愷悌親疏遠近翕然欽之

過能仁寺

能仁山寺古寶騎控晴郊曲徑隨雲入疏鐘閒竹敲風幡懸

座北嵐翠撲堂坳聽法行歸晚藤蘿月滿梢

姜雲湘

字龍坪瑞安諸生

古意

彈君七尺琴寫我一寸心心良自解舉世誰知音清風起

古木寒月照空林人生重意氣何用說黃金

施

炳

字涵若號澹珍錢塘人乾隆甲午舉人著澹珍遺集

胡敬傳略外舅澹珍先生父紅亭公諱榮以所居在南宋時為紅亭醋庫故以自號先生稟性至孝博覽經史

書宗晉賢山舟學士至稱為近日之廣陵散

詩多少作復有散落就其完整者付刻以傳

杭部詩續輯詹珍少隨外氏官粵中遇異人授拳勇術防身一銅杆百夫敵也

### 皋城別蘭皋石丈

薰風拂檻繁英折陰濃綠樹天微熱繞闌開徧玉瓊花枝頭  
片片飛晴雪披襟坐對兩忘情欲寫新詞未終闕白雲箋上  
著瑤篇細讀罪罪翻玉屑倡酬良會難久留離家傷懷忽不  
悅吳山越水路迢遙十載重過情轉切文章氣誼訂金蘭指  
揮談笑真英傑同是風簷淪落人遭逢甯愧蘇張舌春花秋  
實宜自堅壘案詩書為誰設襟抱牢騷不敢傾明朝又是銷  
魂別

### 秦士行

鄧嗣字伯翊元泰定閒挾策干德王不遇入王屋山為道士

嶠函毓靈生傑士磊落昂藏罕儔比力雄萬夫氣蓋世熊軀



七尺目稜紫石鼓高擎擘鬪牛酒狂時挾青樓妓咄咄蕭馮  
兩豎儒皮相何由知內美中筵高據揖書生解衣箕踞刀橫  
几縱飲方酣吐不平四庫五車從所指經史紛綸盡探源高  
談如瀉天河水老生壓倒默無言披髮狂呼蹶然喜讀書養  
氣真人豪眼中那識有餘子挾策會干御史臺敷陳時事肩  
惟己王親試技偕往觀陰令持槩五十俟虎吼狼奔塵障天  
風馳電掣羣披靡劍光飛處馬頭落淋漓熱血霑衣履賢王  
驩呼壯士能諫達九重丞相止嗚呼至正泰定閒賢路久壅  
安足恃鐵骨銅筋不立勳用伯關中伯翊虛生耳時乎命乎  
可柰何王屋山中臥不起

夜讀夫子亭詩

雲箋兔穎拂烏絲小楷鈔來宛露垂照素殘鐙人靜夜灑窗

涼雨獨哦時  
湘潭蘭佩芳  
猶在海嶠扁舟情  
自移老去香山  
人不識夫于亭  
繼輞川詩

于茲山下古亭邊  
淡宕谿風響夜泉  
白髮烏紗問流水  
青林紅雨聽曉鶻  
空餘莊叟無生夢  
解續維摩未了緣  
禪榻落花春寂寂  
支頤時就北窗眠

孫傳會

字誦芬號燭谿仁和人乾隆甲午舉人官內閣中書著碧山樓稿

吳振械傳略燭谿登賢書後一與計借不再赴得官中書舍人亦不就職生平猶及交董浦太史而師事向山太僕詩文宗旨故有淵源碧山樓者其家園亭最勝處也焚香掃地不與塵瑤相接故其詩隨意抒寫多擘緩

和樂之音  
夏夜陪陳句山師杭堇浦太史集南華堂分韻

蠻榼攜來款竹扉  
華堂軒敞晚涼微  
月移松影當階覆  
螢墮

樓陰貼水飛林下  
風流人已渺  
謂趙丈意林  
樽前老宿坐相依  
新

詩題罷爭傳寫杖履追隨興不違

何承燕 字以嘉號春巢廷模子仁和人乾隆甲午順天副貢官東陽教諭著春巢詩鈔

杭郡詩三輯春巢為獻葵刺史令子屢任學官見于詩鈔者若長興浦江東陽甯海天台海鹽皆可考好為詩

尤工倚聲

鄱陽湖中有小石一座狀如鼓架相傳即明太祖與陳

友諒大戰時伐鼓處也舟人艾福南言之甚確為長

歌以紀之

湖中有石矗水面高水三尺船頭見天生此石豈偶然五百  
年前經大戰蛟龍盤踞龜鼉雄千軍力掃吼海風遐想當時  
搥鼓者康郎山下怒濤中旌旗一片忽倒捲手不停搥目不  
轉雷轟電掣頃刻間水聲鼓聲誰暇辨樓船鐵鎖易銷沈砥  
柱中流尚可尋舟人指點行人笑澎湃猶餘殺伐音扁舟漸

遠石漸小一拳浮動煙波繞安得登此作釣磯中央跌坐看

鷗鳥

許肇封 字州山海甯人乾隆甲午舉人  
官安徽望江知縣箸逗雨齋集

塞上送別

我來塞上原為客及至關前反送行  
萬里投荒窮北走三邊  
絕域又西征黃沙捲地陰雲積  
白草黏天夜月明猶有故人  
須痛飲不堪城角聽笳鳴

聚星堂雪用東坡韻

暝雀枝頭啄凍葉紙窗浙瀝旋飛雪  
飄搖遠樹覺蕭然妝點  
小山真峭絕兔園客散綺琴靜  
驢背人驚竹橋折掃從松徑  
翠仍溼掬向茶鐺香不滅  
冰鏡光搖月未通簾旌影壓風先  
掣閉關處士臥空谷披幄佳人散  
春纈漸看懸霽列明珠敢

有微塵汚芳屑曾聞留賞歸來暮但惜華年去飄瞥先賢遺  
蹟聚星堂故事真從汝南說酒酣朗誦歐蘇篇唾壺擊碎如  
意鐵

馬緯雲

字依墀海鹽人乾隆甲午舉人著白沃山房詩卷

蒲褐山房詩話依墀為墨麟先生之孫綽有才情工於  
綺麗子修西湖志於湖上就莊依墀與纂修之列所輯

人物志尤詳

妙智寺用韋蘇州義演法師西齋詩韻

引杖步郊局杳杳聞清磬古寺修竹深幽禽悅真性入門藹

以綠草積無人徑澹然去來緣秋山起遙暝

長歌呈桑水部院長

先生稽古經術崇手扶大雅陶愚蒙餘山

勞先生麟書

絕業繼濂

洛英靈肯許常人鍾茹韓吐蘇大手筆過都歷塊如風駿金

庭石室不肯住富貴於我浮雲同長空倏忽搖天風偶乘雲  
氣騎飛龍黃雪亂灑千長松泉聲兩耳鳴琤琮芒鞋竹杖自  
來去徧踏五岳青芙蓉自從歸隱聖湖曲空堂夜讀聲摩空  
賤子寂寞海濱上夙味經義徒雕蟲竭來飄泊淪楚澤書皮  
高閣塵黔容昔年親故半未覯論交三世今識公公開寶帳  
集都講煦拂四壁春融融五金在冶仙火鎔斧斲斤削加磨  
礪吾儕豈甘自暴棄熙恬竟日隨嬰童人生不朽有大業欣  
戚豈在塞與通上自皇墳下稗乘披尋一一羅心習無味之  
味貴獨得力田甯計豐年逢少年歲月況強盛旭日炫采纔  
升東微軀七尺著何處苦無大藥仙疲癯高騫思附鸞鶴翼  
薄采終棄蓀蘭叢太息古學坐蕪蔓語欲出口傷瘖聾洗荒  
滌穢竟莫覯浮聲掠影徒相攻安得虎觀諸儒作掃除宿霧

摩青銅行愁坐歎苦未遂先生白首猶趨雄煙林拔起雲當  
中膏雨到處繁花紅笑指枯枝枝盡綠春華無使隨秋蓬

同汪柏巖 淮射亭 河昆季過南屏訪心舟上人直雨留

### 宿山舫

杖策萬峰頂寺門山雨涼竹深煙磬寂花落石牀香白社棲

心晚青山笑客忙十年今信宿得飯贊公房 予客楚中吳竹  
堂進士為子亟

稱心舟及今識  
面已十年矣

### 歲暮雜感

息息書劍枉飄零曾泛扁舟到鶴廳黃鵠山高看判牘桃花

洞曠憶談經移來香草騷人賦欲弔湘江帝子靈小阮近聞

多著述爭看摘藻耀春庭 懷吳明府古心先生香  
草居稿吳宰長沙時著

### 吳蘭庭

字胥石歸安人乾隆甲午  
舉人著南雪草堂詩集

縣志藹庭讀書稽古究心史學地理職官沿革建置鉤稽探索盡得其條貫為嘉定錢大昕會稽章學誠所推

重嘉慶元年與千

叟寡卒年八十餘蒲褐山房詩話胥石為吳編修大受高弟少以文名吳

越壯游燕趙多蒼深清健之作年六十餘流寓京師與

仁和吳麗瑣長元齊名時號二吳胥石在京師嘗寓馮

補四卷長元有宸垣志略十六卷胥石在京師嘗寓馮

編修集梧家既南歸又寓秦桌使瀛署中詩四卷句如

亂泉橫短杓荒墅綴疏花柳痕妝閣翠花氣酒船香晴

煙融碧樹小雨漲紅潮春旗絲雨潤水樹影遠隨人腸簫寒

風引雉荷浦雨隨鷗星光寒墮水樹影遠隨人腸簫寒

食節絲雨杏花天鶯花成昔夢煙月朝旭麗松聲滿院

猶含萼草釀柔情未破菱山色當門朝旭麗松聲滿院

夕陰寒被酒竝尋盤馬地乞花同泛釣魚船愁

鬢欲星還作客長途無日不登高皆耐人諷詠

十月中于小驚字圩分稻

人生各有役嗟予無能為薄田三四畝荒穢長不治比鄰有

老叟代予種植之春夏常力作胼胝非所辭所幸秋潦餘禾

稼未全虧村墟見炊煙鳴雞當午時銓艾聊可觀任負欣在



斯既賴鄰叟力復荷皇天慈春秫具美醞澄清貯罍罍叟能  
從我醉暇日以爲期

北行

我舟已起柁我僕已束裝慷慨出門去遊子志四方四方雖  
可懷曰予有高堂臨別屬再三兼以淚滂滂此去幾時歸切  
莫鬪身強方春寒未消淒淒多風霜況復凌朔地無乃薄衣  
裳泰岱何巍巍河水亦湯湯經過悉險絕徒侶各旁皇我行  
不女隨心常在女旁此行愼所適當念倚門望異土縱云樂  
何如還故鄉再拜謹受命感茲摧心腸男兒旣長大無以效  
顯揚驅馳徒未已反令居者傷載詠尸饗篇三復春暉章人  
生非木石寢門安可忘

柏井驛

天風吹縹緲徑狹山百折我行秋方中寒氣已凜冽兀兀有  
虛警短夢作復輟初日出東方人馬同欣悅不辭登陟勞屢  
見土風別山要互疏煙居人乃窟室戴履俱后土一竇洩天  
日蟄蟲坏其戶動物宜羸物古民旣陶復隙地亦甌脫聚族  
得棲止此焉生且活樸野無物累愧我身世拙回首彌忡忡  
窮途畏顛蹶

韓信嶺

一徑走峻阪崖壁若環衛行行漸幽黯如入永巷內日御厯  
綫天見午不見未亂山尠木石蠢蠢唯積塊堆阜忽俯瞰突  
兀壓我背脈疏質已離砉然恐其墜勢險比巖牆疾驅思縱  
轡卻怪繞馬首抗行斷復綴保無或偶然適與甌機會頗聞  
漢韓侯奮迹致高位一蹶中危法乃爲兒女賣詎伊非英豪

良由味進退卽今弔荒冢行客發深慨懷懷抱微軀羈孤彌  
自貴

華山

青柯十八盤盤盤千尺餘境劃谷豁徑絕崖扶疏奇險得  
天縱闢此鴻濛居罡風御清氣飄飄吹衣裾紫鸞鳴啾啾拊  
翼爲前驅靈君紛來迎顏色俱敷愉指點青蓮華灼灼朝霞  
舒絳節排參差驂隨羣仙姝願言乞霞佩倏已迴雲車水簾  
互窈窕蒼龍凌高虛鐵鎖不可攀卻立空躊躇悵然謝玉女  
爲我揚清臚塵土方勞勞歎息靡所如

雀鼠谷

土炕冷無煙夜分氣淒惻啟戶整行裝一庭霜月白跨馬行  
數里依稀見曙色迤邐冠雀津夾立積鐵壁汾流出中間束

縛益蕩激閣道互崖半偈仄瞰不測前驅振金鈴後騎躡其  
迹登降遞隱見不離一水側我生閱奇險劔棧會未識心揣  
將無同顧步喪精魄造物何恢恢設此觀人力古來幾雄才  
長驅遂奮戟廢興迭相倚所恃非阻阨行客獨躊躇蹙蹙安  
所迫

濟甯杜文貞公祠

屈子行吟後棲棲見此翁百年雙鬢短千古一詩窮松竹安  
閒室蘋蘩菲薄衷南池清徹底應與鑒孤忠

濟甯題太白樓

太白芒寒失酒人高樓終古壓城闔長安不少憐才者具眼  
還推賀季眞

題沈謙之五丈竹翠谿堂稿

瘦骨珊珊稱五銖短檠無燄夜吟孤才人多把春風怨若爲  
千秋弔小敷

蒹葭

渺渺愁心結淒淒極目同江湖勞遠夢身世怯秋風危榭波  
平檻孤舟雪打篷蹉跎余有恨相對此衰叢

過文石山房有感牧園先生

安昌絃管最風流池館荒涼幾度秋豈有虎賁憐北海空餘  
馬策慟西州他年國士誰青眼此日書生已白頭瓠落自慚  
知遇厚一尊重與酌松楸

宗聖垣

字芥颯會稽人乾隆甲午舉人官廣東雷州知府著九曲山房詩集十六卷續集一卷文集六卷

宗稷辰撰墓志公少時以詩古文名越中尤專治毛鄭詩官粵東數十年引疾歸居九曲山房貧不能治饘粥猶戰詩作書以自娛書宗裴柳而別成一體在米董開越中學子以公昌詩教於鄉設位臥龍山之詩巢以附

西園

十子

正雅集芥颿與弟藉船以詩古文名越中少時商寶意  
劉豹君方主壇坫選越風實賴贊成之蔣心餘主講  
山深相契合官粵東廿年蕭然退老僅刻成九曲山房  
詩十六卷而歸年將大耋尚與時彥學詩者晨夕談嘯  
周又谿郎雪舫其及門也墓碑  
題會稽詩人宗芥颿先生之墓

### 送郭春林之閩

春風料峭寒花拳鵲語涩君適來山房一僕負書笈長鞭短  
後衣面作風塵色云將遊七閩挂帆行在卽執手與契闊使  
我中懷惻昨送吾弟行擔簦江岸立夜黑不見掌斜雨打篷  
急其時劇悲涼清淚霑襟溼人生貴適志胡爲苦相逼豈無  
霧豹藏亦有神蛟蟄曷不老農桑守此舊蓑笠刻意欲留之  
徐思語轉塞今日又送君此情同脈脈春草綠波長留君亦  
不得

牖下嗟瑟瑟出門增茫茫人言誤在書書爲招貧方我謂尺  
有短寸自有所長翼者不能趨角者不能翔積以書一車便  
減米一倉天旣付清骨特不與肥腸胷中貯膏腴身外皆糝  
糠但留三寸管坐令千秋芳貧所以保書是福良非常況得  
江山助兼之雲日昌仙霞何嵯峨烏石亦青蒼月浮金崎水  
照見寶氣黃詩藁富諸有所獲同珠航惟有索居人含思歸  
曲房

陳留尋蔡中郎故里

文人異數古有諸三日曾歷三臺無意中但存董相國眼前  
忘卻王司徒自陳不忠語已塞願就黥刑毋乃愚逸才絕世  
徒然耳惟留弱女收殘書尉氏城南煙水互爲訪昔賢棲止  
處鄉人傳說亦迷離豐草長林失前路悔不江湖保此身賞

音獨許得其真每看修竹一惆悵我是柯亭古里人

望玉笥山

昔聞玉笥多秀巒中藏白石凌霄壇三十三峰渺難數虛無  
想象尋其端或爲玉女寶螺髻亦有道士華陽冠蓮臺齊插  
碧菡萏蓬海高湧青琅玕香鑪中分煙縹緲畫屏半摺雲闌  
干仙山可望不可卽空翠晴撲衣裳寒船如走馬忽飄瞥那  
得正面廬山看

題楊星園觀察詠史詩後

讀史貴在一以貫興衰起伏各參半川流脈絡要分明氣運  
迴旋勿中斷詠史貴在平而正游心遠躡道力定沙珠水玉  
呈光華古柏新蘿見真性公之讀史如游山千盤萬仞窮躋  
攀芙蓉了了翠可數收入指掌螺紋閒公之詠史如速客爲



設詞壇布文席招邀都是千秋人滿堂鐙影鬚眉碧公曰吾  
非畢力爲每當暝坐臥起遲忽與古人遇合奇有所思而無  
所思偶然適意自得之疾書累幅如飈馳歸諸化理吾無私  
我讀公詩勝讀史史爲皮骨公得髓傳神之筆在阿堵照膽  
之鏡徹表裏重把公詩再三讀淵冲愈覺清風穆薔薇之露  
浣我手渾金之鐫刮我目是時暑雨過堂劫月上半牆青柳  
梢讀詩聲比蟬聲高

環碧山房爲汪龍莊賦

畫舫齋爲六一廬紅塵到此化清虛竹風自埽留賓榻梅雨  
重添種樹書淨界真同大圓覺仙蹤合住小方諸芬芳家世  
堪千古角里藍田總不如

夜過臨平

殘月沒林端蒼蒼夜未闌江煙連岸失人語一  
鐙攢孤榜因風滯寒衾怯夢單殷勤謝關吏囊  
盈不須看

魚溝旅次

鬢發聲同曉箭催茅檐低壓冷雲頽雪黏不墮  
羊裘鞞火撥難溫獸炭灰生意尙遲官道柳多  
情長負故園梅黃沙白草茫無際牧馬場邊  
畫角哀

元夜過江浦晤邵無恙明府

甘棠蔽芾靜風塵但聽民歌召信臣天上月圓  
逢令節江南官好是詩人一尊聚散情難盡  
千里家鄉話更親最喜今宵能不夜萬鐙紅  
擁滿堂春

從沂州東大河乘舟行四日渡黃河抵老壩口

舟穩如浮鳧水光淨塵面隔岸好山青恍與  
故人見撥煙豁

雙隴流盼幾忘倦昨經剡子國鯨口歎沙綫下相通關渠瘦  
蛟扼江縣鱗屋村市互簾戶漁莊徧盡日謀兩餐米貴喜魚  
賤曉碧草黏天晚靜月鋪練鷗鷺遞送迎螺黛增眷戀洵洵  
出大河雲色陰晴變翻空渺無際幸借一帆便長風斜有力  
過溜若激箭濁浪趁東走老壩望蔥蒨人語亂桅檣繁陰就  
高堰船頭雙呢喃或是江南燕

齊先覺

字任斯天台人乾隆甲午舉人著耕圃稿

宋世華日耕圃詩筆沈鬱自樹旗鼓晚登賢書遠歸長夜惜哉

遊國清寺

一塔矗天外禪門深樹中壞橋初斷石寒磬正當風說法佛  
無礙縋幽僧可同此閒有猿鶴未願歎萍蓬

程尙濂

字敦夫永康人乾隆甲午舉人官四川犍為知縣著心吾子詩鈔

陳濤曰心吾子樂府

音節之妙神似太白

方元鵬曰心吾子擬古自成一子

七古諸短章乃孟東野五古格也

石筠柯曰人謂心吾子詩眾體皆備

不名一家實則眾體皆化自成一家

古詩

斷藥向幽徑蘭蕙搖孤芳采之欲遺誰所思在遠方春風別  
已久雲路夢何長美人不可見天海空青蒼年華付流水對  
影良自傷

返照入江樓有女坐傷春數盡江上船不見夢中人水上雙  
翠禽翩翩動白蘋憶昔甫別時春波綠沄沄孤帆杳無際渺  
渺煙波昏暮色起遙山天地為酸辛攬鏡一長歎惆悵空含  
顰

白日行懷春田

白日一寸陰故人一寸心路漫漫兮天沈沈風風雨雨愁登  
臨美人贈我金叵羅何以報之紫玉珂袖中錦字不可磨胡  
爲輾轉空吟哦歲云暮矣當柰何

寒夜吟爲吳貞母賦

寒雞喔喔天欲明街頭亂沸蝦蟇更軋軋緯蕭竟通昔紡軋  
滑澆無觚稜一升米一尺布斧冰作糜與兒哺十指皸瘃裂  
如鋸

擣衣篇

鶉鴉秋鳴眾芳歇砧聲夜夜淒霜月寄得寒衣不寄愁夢魂  
空繞長城窟嬌猶短項搖金鈴夢作蕭蕭班馬聲去時留下  
紅蕤枕倚枕孤眠空復情牙旂續緡夜吹角霜重鼓寒何處  
宿黃沙捲雪埋青冢愁絕明妃去時曲明妃一曲塞雲寒鐵

撥鷓絃續續彈哀音怨亂那可聽知君涕淚雙闌干何日邊  
塵絕烽火歸騎驕嘶搖駭駭願縮巫山一段雲爲君重啟葳  
蕤鎖

邪蒿行

飢勿食邪蒿渴勿飲貪泉勿謂道力固罔虞外物遷君看江  
與河始決由涓涓蟻穴一以潰蕩若蛟龍穿所以古節士衽  
席如冰淵黔婁一布衾身後持逾堅

將進酒

將進酒君莫辭有花不折明日成空枝爲君進一詞春華能  
幾時開襟且復一中之君行自思君行自知

湯

淦字湘畦蕭山人乾隆甲午副

家傳略公爲相國文端公從祖好讀  
書至老不輟年逾七十猶日有程課

送越守李紫髯先生惺告養歸永城

從來孝子本純臣喜得烏私許自陳爲日方長終報

國悅親有道始成人江天渺渺雙旌去官閣蕭蕭一鶴馴留

得公門桃李在春風去後話前塵

陳

時

字履中原名晉字汾川光陸子錢唐諸生著種藥齋詩鈔

緝雅堂詩話陳子汾川種藥齋詩鈔二卷上卷日湖上青山集專詠名山通用五言三韻凡一百二十餘首下卷日湖山懷古集皆謁祠拜墓之作體兼古今閒及金石披覽一過恍有臥游之趣發思古之情

南宋石經

延熹石經今已無宋刻出自深宮書光堯畫倦憲聖繼銀鉤  
鐵畫無差殊不寫尙書寫周易但有十翼無三謨誤以共驩  
作稷契致君那得如唐虞但增歲幣事仇敵中原民困何由  
蘇寫經刻石等閒耳帝王乃復師文儒後來道統十三贊濂

洛上沂泗與洙國運雖偏大儒出周程張外尤推朱鹿洞  
請石經本名教所繫綱常扶塔基幾爲惡僧毀力爭所賴惟  
申屠至今殘石在鬢序瑀戈彷彿銘盤孟蔡邕三體書更好  
摩挲古本思鴻都

中天竺寺是隋千歲和尚寶掌開山處

笠雪鞋花汗漫游遠從魏晉沂東周已更世臘一千載會歷  
支那四百州寺藏寶掌詩有行鎖骨誰從巖畔禮寶珠好向  
掌中收稽留峰下琳宮在賸有長橋枕碧流

韜光庵是唐韜光禪師結茅處卽用答白香山詩韻

巢枸塢畔好林泉會記詩僧枕石眠儘有涼陰生綠竹尙餘  
池水種金蓮雲煙縹緲連諸嶂江海蒼茫入遠天鷺嶺龍宮  
光景在新詩吟向夕陽前



王一紳

字祇齋錢塘人著同園詩稿

潘庭筠序略王子自號曰祇齋按祇爾雅

釋福師古訓除舊布新主人因以為號

宋大樽曰祇齋先生為人修門內

之行與人交有忠厚悃惻之遺

嚴元照曰予兄女婿王君仕華奉其先人祇齋詩草俾

予讀之下筆清逸妙出天然是能不以境累其心者

辛丑立夏日集天香書屋分韻得師字

寂靜開軒坐濃陰欲霽時雨餘嘯鳥變春去落花知且撒青

精飯同參玉版師素心人密邇聯榻慰相思

陳雲飛

字南浦號之山錢塘諸生著擬破吟

杭郡詩三輯之山以授徒為生與同里張芭塘炳何星

橋娘朱書船絃蔣香稻師焯唐耕畬應禮李金堂庚時

有贈答之作

同邗雲崖程啟人游勝果寺

新霽風景清丹桂花盡坼相約同心侶城南試游屐鳳山兩

崖閒言訪梵王宅入門無人聲草蟲鳴唧唧摩挲古碑文拭  
眼辨篆額中峰亭已摧何處訪遺迹林閒遠岫隱巖下寒泉  
咽盤回上層巖荒徑殊偏窄磴古莓苔深洞幽雲霧積三佛  
像半殘依稀留左壁越山如翠屏一帶秋江隔煙鎖蓬萊閣  
潮奔羅刹石延賞體忘疲佳游心自適鳥聲喧林端山空日  
將夕

舒紹言

字懋中號古廉仁和諸生

吳振械曰古廉與黃書厓吳穀人姚春漪項蓮峰吳箬村同賦新年雜詠于六子中年最長與穀人交最先穀人嘗簡以詩曰君居我巷東望見我家樹三日春雨深相思落花暮後古廉游京師卒無所遇連蹙以沒

織畫黃相圃索賦

古來奇巧稱畫工山川人物盡入驅遣中我嘗欲學性淺劣  
對之但覺變化不可窮友人留坐容膝屋素壁高懸畫盈幅

居然脫卻粉墨痕無乃湘紈與文縠諦觀良久始得真劈紙  
為絲機軸新神妙不藉秋毫寫蘇蕙迴文與等倫我思織作  
同心字訴出畫家難畫平生意正恐十樣蠻箋未易致何如  
持杯滿飲粲然一笑道吾醉

王家駿

字健庵號桐庵又號筱池  
仁和人著漱霞閣偶吟

### 遊慶雲寺

尋幽選勝來山寺密竹圍環路不分埽徑僧黏雙屐蘚過橋  
人踏一谿雲階前草色侵衣重松裏鐘聲隔水聞貪看林巒  
因坐久促歸又報墜斜曛

李榕

字鏡湖海  
甯諸生

許湛祥曰謹按海昌備志鏡湖先生書法懷素見稱於  
時又硤川志云先生著有桂尊軒雜識於鄉邦文獻頗  
足徵

信

登鎮海塔觀潮

與客臨孤塔春濤帶雨來橫空一鳥過近岸數帆開風急喧鈴舌潮平走整雷諸峰形縹緲或恐是蓬萊

徐麟趾 守春書秀水人著荔村詩鈔

蒲褐山房詩話春書本籍駕湖移居邗上於盧雅雨蓮使稱詩弟子江浙名流類多傾蓋金冬心費題其像云一卷詩止瓊瑤鸞騰手人不如酒有錦帳有書識是誰南路徐王毅原又會贈以詩云十年小別東瓜瓠一夕相逢卓笑橋大抵詞人慣羈旅未絲明月戀吹簫幾卷新詩黯淡吟天涯畢竟有知音中年偏與飢寒會典去衣裘又典琴間道白沙江口住近攜家具夢揚州腰纏一笑原烏有鶴背高寒獨雨秋葉落淮南旅夢殘可知門戶故家難不如歸汎南湖月占得鷗沙把釣竿

蘭泉歸青浦別後卻寄

東風吹雨夜揚船蓬背瀟瀟可耐聽海市蜃煙孤嶼白江村漁火一燈青長帆駕浪愁歸緩短榻懷人怕夢醒想見彩衣

兩浙輶軒續錄

卷十一

李榕 徐麟趾

无

歡拜母團圓春酒話家庭

紅橋春望

誰遣韶光滿目前東風吹草綠生煙大隄楊柳環城郭小市  
鶯花接墓田載酒豈無王司入李傷春只有杜樊川句留最  
是紅橋月一夢揚州十二年

懷人詩

韓水人來訊起居幅巾藜杖健如初閉門不覺窮愁老白髮

青鐙夜著書

程午橋  
夢星

相逢禪榻話蹉跎水繪園邊側帽過一自江湖空浪迹海門

風雨別來多

姜皋原  
恭壽

去年會到官梅閣四壁吟看沈約詩病後知君圍帶減一番

風雪鬢成絲

沈沃田  
大成

蕭涼孤館對枯僧君獨能來興頗勝吟落峨眉橋畔月水南

歸去夜分鐙李晴川少白

春風曾過羅含宅看寫梅花當早餐別夢不知江水闊一庭

明月話秋寒羅兩峰聘

吳鯤字鵬初號天池歸安諸生

月夕

是處足延賞無人自詠詩秋深花愈淡月好睡長遲一雁驚

寒後千家課績時卷簾弄清影近水折苔枝

汪仁溥號雨亭山陰諸生著雨亭詩稿詩餘

清明客維揚

客裏度清明隨人湖上行離懷休折柳留與護黃鶯

郭毓字又春號春林諸暨諸生著筮山詩鈔山居稿輯越中三子詩

兩浙詩軒續錄卷十一 吳組江海郭毓吳深

諸賢詩存先生遊迹半天下東南號  
爲名士其爲詩持論侃侃有書有筆

### 長沙雜詩

抱城江水綠  
汨汨斜界連岡嶽  
麓分賈誼宅  
荒誰是主李邕  
碑斷更無文  
繚垣鏤烈千門月  
古寺鐘摧萬里雲  
消息十年懷二陸  
勝遊何處接蘭芬

懷湘潭張吾谿黃州兄弟

吳

深

字學海號醜齋諸賢詩鈔  
生著楚游草醜齋詩鈔

### 過五人墓

買花棚裏弔荒塋  
古碣峩峩姓氏明

墓門石刻記  
五人始末

七里山塘

人似海千秋  
祇有五人名

彭

頊

字雲崖黃巖廩生著焦谿吟稿

### 贈天台梅谷上人

我欲袖籠東海月  
乘風送入台山雲  
華嚴樓閣不可見  
但覺

眼前景物何紛紛忽見天南一峰出中有高僧遺世立宗門  
參解得其傳詩畫餘閒工振筆昔聞賈島初年喜學佛十指  
詩情來拂拂又聞巨然畫意更紛綸山雲水雲恣吐吞斯冰  
以後無篆籀世閒誰識蛟龍走古來絕技祇數人師也眾妙  
無不有卅年飽享煙霞福華頂之雲石梁瀑萬八峰頭平等  
觀祇知香者爲梅幽者谷束籜爲筆刊竹爲章飄然一衲下  
大荒舊廬仰眺諸峰上雲氣明滅青獅堂瓣香直接寒山子  
聲價頓增洛陽紙慧舌翻瀾玉屑霏四座泠泠坐秋水精舍  
三椽隔絳霞滿亭香夢藹行車懷中攜得玲瓏石腕底能開  
頃刻花千葉靈桃萬年樹春風著手成真趣寫生爲我拂長  
箋誤筆成蠅非點污驀傳師道蓮雲界撒手一絲真不挂回  
頭重復憶人閒一笑相逢驚世外愧我遲尋翰墨緣箭鋒機



滯帶圍寬願乞佛根作弟子空門立雪何深寒安得長風吹  
山作平地俯視清空但一氣捧盂持盞相追隨細向箇中參  
妙諦

王

炳字虎文  
仙居人

水簾寺

我生漂蕩不會歸盡日尋山入翠微百尺飛泉成斷澗千年  
古木鎖斜暉靜依禪榻與之寂笑問人閒如此稀不到寺門  
學枯坐前生本著水田衣

章

義字制初號勝亭永康  
諸生著會心吟稿

吳守信曰懷古諸  
作有李杜雄健氣

八詠樓懷古

日暮春將歸登臨上高閣雲山一帶陰花紅照墟落雙谿日

夜流客心欲何託春風思古人斜陽亂山脚孤嶼媚清漣層  
城抱樓角北望芙蓉峰煙中明秀崿西挹澱江紋天外注清  
洑平疇接遠山東南繡壤錯陵谷或變遷谿山殊不惡何代  
建斯樓伊人如可作齊梁月露清流風宛如昨古人今已矣  
共誰暢春酌憑欄歌舊詩橫江來一鶴戛然掠舟西似夢蘧  
蘧覺依稀赤壁遊無須論住著樓頭月空來風清流水邈

徐履誠

字敬修號愚谷江山諸生著愚谷詩鈔

劉佳曰愚谷以寒星詩受知於儀徵阮公卒無所遇年未四十咯血死詩初學太白詭譎萬狀丁巳後一歸清

麗繼乃漸臻老境沈鬱

蒼涼淨洗險悻之習

寒星

滿天霜氣滿簾風此夜星明畫閣東淺水淡分殘月白疏林  
低共夕燈紅看來隱見隨時處想到高寒逼視中輸與早朝

人習見觚稜點點接噓嚨

布置如碁徹九霄未央夜色已迢迢五更風起乍明滅千里  
河垂時動搖歲稔光應調玉燭寒深氣已轉珠杓高臺太史  
闕天象萬戶無聲瑞靄飄

瀧中卽事

水曲望疑斷山重轉復開亂崖風力緊古木雁聲哀歲月資  
詩篋肝腸付酒杯子陵遺恨處多此釣魚臺

七里瀧

七里谿光淨孤舟客子寒岸高沈月易風靜出灘難險地終  
宵坐窮途隔夕餐忘機唯羨鳥片片下驚湍  
萬壑風聲滿征帆去若飛雲山秋瑟瑟石瀨夢依依樹密嘑  
禽怪波澄躍鯉肥更殘猶舞劍三尺耀寒輝

柴楫青

字岸公瑞安諸生

董會序略岸公自號東山賒來園主人少負時譽沈酣於詩古文辭尤長集句驅遣古人如自己出有西高秋集句三十首贈炙人口

西高秋集句時客尖山

好靜居貧寺

李端

與僧行止同

李咸用

從游隨野鶴

許渾

虛唄引松

風說

張說

夜木侵簷黑

李昌符

殘陽泊島紅

釋貫休

愛茲山水趣

閻防

社愧陶公

戴叔倫

數里入雲峰

王維

塵心洗幾重

錢起

樹深煙靄靄

席豫

波靜月溶溶

許渾落葉憑風掃

方干

寒泉盡日春

賈島

自憐歸未得

皇甫冉

吟到五

更鐘

貫休

山形如峴首

白居易

況是月臨江

元稹

風物悲游子

杜甫

琴樽寄此

窗

陳子昂

恨深書不盡

韓偓

愁極酒難降

許渾

白髮三千丈

白居易

言得勿嘍韓愈

西樓月出時白居易萬樹影參差儲嗣宗強勸陶家酒李季空吟

謝眺詩白居易據梧聽好鳥李嘉祐裏露采靈芝孟浩然莫話羈棲

事江清功名自有期韓翃

吳錫麒字聖徵號毅人錢塘人乾隆乙未進士官至國子監祭酒著有正味齋集

府志錫麒性嗜飲無下酒物以書代之少壯至老未嘗離筆硯生平不趨權貴然名著公卿閒交重其學在

上書房時為皇會係師傳與成邸尤莫逆得一帖一畫必共題跋禮遇

之盛同于大學士諸城劉墉嘗寓澄懷園消夏成助為書齋榜曰小清涼界乞養歸主安定愛山雲開書院校

刊全唐文澹然榮利不復出作詩古文詞如萬斛泉源不擇地而涌天性友愛且能周人之急卒年七十三著

有正味齋詩集文集

武林人物新志毅人詩餘尤佳論者謂可與梅村樊榭抗衡云

法式善序略先生名重中外高麗使至出金餅購有正味齋全集廠肆一空

西字車車系金 卷一 三 八 上 上

蒲褐山房詩話浙中詩派自竹垞初白兩先生後二十  
餘年大宗太鴻起而振之及兩公殂謝嗣音者少司成  
以雲蒸霞蔚之文合雪淨冰清之作馳聲藝苑獨出冠  
時既工駢體尤善倚聲而詩才超越直繼朱查杭厲之  
後宜中外望之指為景虞也情殷讓背乞假南還雖未  
卽安於閒適而世已以白晁兩太傅相期性好谿山流  
連詩酒青簾畫舫綠箬紅衫游筇  
所造無不承蓋扶輪掃門納屨

### 吳越王買鐙歌

鼇山已賜禮賢宅勝事添鐙記疇昔爲說千家萬戶歡如留  
四世五王澤百年休息喜兵銷最數臨安物力饒不惜脂膏  
輸內帑願諧價值買春宵朝廷自有光明大照耀軍州總無  
外風月圓成五日期山河并入三條帶婆留鄉豈帝王都節  
度開門聊自娛但得天心能玉汝且貪夜禁弛金吾銀花火  
樹紛無次曼衍場開陳百戲疑是王家海藏翻半空化作魚  
龍氣蠟膩銅盤漏已沈卻留風俗到而今每逢此日傳柑會

猶諒當年納土心，綵繩有兆徵孫子。富貴功名亦隆矣，表忠  
曾共訪蘇碑。苦斂何須信歐史，後代惟應故地償。支撐半壁  
又錢唐，卽看舞隊仍南宋。那不遺編感夢梁。

岳忠武王銅印歌

岳家軍乃飛來矣，霹靂一聲賊魄褫。姓名烈烈有如此，何時  
鑄入方寸銅。得毋製者爲舒通，金鞍鐵簡頒賜同。具銜前後  
領三使，篆紋漉漉朱泥漬。似滲中原一腔淚，當時亦詔屯荆  
襄。力圖進取辭煌煌，兩河踴躍先聲揚。與其黃金先繫肘，何  
似黃龍痛飲酒中興。錄上書臣某金牌十二何處來，風波直  
挾長城頽長腳。一伸天不回，此印飄流固應爾。胡爲籲天冤  
已洗，不見金階粹編紀。精忠者心不可移，官印私印可聽之。  
鏤膺刻肺吾能知。

庚寅春再赴嚴江同舍弟

錫麟

舟中作

聽風兼聽水三度上江船  
遠樹霽寒雪一帆明夕煙  
人耽高隱地山媚早春天  
正擁羊裘坐嵐光墜我前  
好句忽飛到與吟惟子由  
江山如昨夢兄弟此扁舟  
野水爭灘上閒雲爲竹留  
他年翦燈話毋忘富春遊

吾杭小雲棲作放生會來索予詩用坡公岐亭韻寄之  
吾慕太常齋鼎俎謝腥汁斷齋香自清  
指甲露猶溼憬彼飛躍姿所樂生趣得  
物物各有情何苦煎太急長養鄭國魚  
哺飼比鄰島池通活水環樹積翠陰翳  
恠癢總一體愛惜如保赤因推慈悲量  
重爲我佛白殘吏每放手自謂岸儒憤  
可憐一路哭有甚過河泣園丁昨挑菜  
來補山廚缺適逢今朝會作詩寄諸客  
福幸不唐捐有約早來集



贈方竹樓 元鹿

詩人老去雪滿髭閉門枯坐常忍飢得錢但邀麴道士畫竹  
欲過梅沙彌十年燕市奉書少一月眞州侍面遲今夕明蟾  
休更落松枝手捉話相思

雙忠祠

李庭芝姜才宋亡  
死節祠在梅花嶺

江南已無乾淨土師相方開都督府閩外安知蟋蟀經禁中  
早轉蝦蟇鼓一朝制置敕書頒摺拄淮南敢憚艱戎幕新聞  
辟君實訛言偏誤走文山鑄成此錯皆天耳忠義要爲當代  
倚得賢會號小朝廷敢死終成好男子老鶴背前烽滿天又  
看都統冒戈鏃摩雲陣自盤三疊裏血身猶奮一肩眼前日  
見邊疆壞豈特盧龍有人賣祇綠社稷勉圖存如此國家堪  
幾敗北兵聞說指臨安風鶴傳來心膽寒寡婦孤兒愁孰訴

殘山賸水夢都難  
臣身豈冀須臾活  
臣力唯思兩宮奪  
瓜洲  
月黑戰方塵  
蒲市風寒營早拔  
詔書屢勸甯不聞  
死耳豈作  
降將軍國殤  
一首流騷怨沙磧  
雙旗閃怒雲  
茫茫天水空  
遺業黯黯冬青埋  
一銛氣運難  
回白雁謠君臣  
同入紅羊劫  
下馬今來酌此尊  
可會閣部與招魂  
前身本是同時客  
袍笏虛堂夜共論

蕭孝子歌

孝子蕭日曠墓在梅花嶺與妻俞節婦合葬於此今亦稱節孝墓

我不識孝子但知孝子名  
孝子割肝救母捐其生  
至今聽者

慘慘心猶驚

解

大藥無長生  
小草有知母  
母病兒身亦何有

畫謁三醫夕  
顛北斗兒罪貫盈  
兒當碎首但乞阿母赦  
回鬼

伯手

二解

昔宋有呂昇探肝會救父  
父兮母兮義則一  
兒心此

心神可質  
白月皎皎照兒室

三解

倏寒風兮吹帷儼  
金支兮翠

裝紛連蜷兮竝馳驂白鳳兮黃螭滿堂鐙燭綠蕊蕊音響模

糊如在耳諸神來衛孝子解四是時孝子心轉雄抽刀刺脅如

刺空血漉漉中肝更紅一割再割神感通牀蓐頃刻回春風

解五母得生兒不活一縷精神上蒼達兒不活母得生十年孝

養成婦名經營甘旨侍姑老兒死但言兒遠道淚在心頭衣

不編解六孝子孝豈愚節婦節誠節鍊苦熬辛頭欲雪東南孔

雀飛參差天邊破鏡有合時朱衣恍惚來剋期神道之說吾

滋疑雷車隆隆若告之解七其事康熙年其家江都地其人姓

蕭行第二日曠其名毅庵字梅花嶺旁骨所瘞厥配曰俞耐

以次節孝煌煌礪石識解八

### 開平王孫種菜歌

戰功已歇采石磯江聲浩浩催斜暉王孫舊夢流不去菜花

蝴蝶成團飛金陵本是承恩地富貴前朝雄甲第金釘二等  
冠通侯鐵券幾行盟後世滄桑變後復何言敗篋徒聞諫稿  
存白日不醒南渡醉青衫留哭孝陵痕桃花扇冷春燈落四  
鎮蟲沙風掃籜身不江魚腹裏藏命還白木櫬邊託煙苗雨  
甲綠披紛老屋遺茅似昔分策蹇無人知故將辟纊有婦話  
前勳前勳亦自中山齋白髮同爲借隱計君倘長蓑妾短褰  
君如僧帽儂椎髻白門似換青門來菜畦任作瓜畦猜此中  
但莫茄花開吁嗟乎客魏一亂國已摧馬阮再亂劫乃灰王  
孫王孫生亦哀銅駝翁仲皆蒿萊故宮但長瓢兒菜誰憶將  
軍大樹才

蘇靈石下玉鉤橋尋句曲外史墓

樵歌無遠近聽之清滿山送我如御風飄蕩嵐翠閒松篁杳

莫數蘿薛紛可攀百梯陟窈窕兩崖束鼻顏徐釋苔步窘行  
習澗語潺緬彼凌雲人千載遺珮環摘葉吟許繼折麻情更  
關林阿掩遙夜時有鸞鶴還

讀放翁集

鐵馬金戈夢不成熏鑪茗椀寄餘情蘇黃以外無其匹梁益  
之閒老此生擊賊未忘垂釣日臨終如唱渡河聲長吟直與  
精靈接千億梅花坐月明

益柏渡遇雪

孤帆若無依飄飄就寒浦豈有行役勞及茲感淒苦冥舍林  
氣肅凍結石稜古積陰如趁人慘異變亭午疏聲表初雪繁  
響雜飛雨叢蘆易蕭條豐篠極掀舞來檣雲際辨去鳥煙外  
數棲止難預謀捷徑爾何取牽蘿懷美人會見茅茨補

桐廬道中寒雪初晴月色皎潔

扁舟屢沿轉不厭風水聽矧茲雪霽佳片月林外醒寒姿結  
窈窕幽壑穿瓏玲雲歸微素合波往虛光停明明帆弄葉晶  
晶晶開屏身在眾山中不知山色青巖端發清磬潭底搖疏  
星桐君爾何人寂寞仙扉扃攜鋤采藥去歸來已千齡幽夢  
永今夕雞唱天冥冥

泛舟出東新關至皋亭看梅

春風吹艣聲搖曳在煙際溯游從迴波謀野獲新霽柳條綠  
已舒草腳青不細微微臘松雪稍稍出山髻前村暝逾深遠  
樹明復翳徐聞鐘磬招願結瓶鉢契人來僧語熟月大寺門  
閉三市繞花身讚以妙香偈

黃土梁

斜日照行客一鞭歸鐙敲陂陀望若平寒雲注虛坳石骨陷  
其裏周以積土包荒荒怵真虎慘慘橫瘦蛟登頓亦已疲豁  
然見衡茅年豐畢婚嫁少婦方垂髻晴檐理鍼線念將新歲  
交感我勞者唱詎免居者嘯

題翁覃谿前輩

方綱

所藏唐泰山摩崖銘拓本

昔聞泰山封禪七十有二代千八百處勒石紛周遭浮雲倏  
忽幻蒼狗遺蹟荒遠難爬搔祖龍紀德無德紀直以沒字欺  
兒曹開元天子履乾位海內殷富忘飢罄登封擇吉臨渤海  
圓壇五丈陳旌旄金雞唱日百靈集天門咫尺升焜蒿爲民  
祈福本盛德煌煌玉冊何須韜禮成鸞鶴亦翔舞清響細夏  
仙人璈羣臣稽首帝有喜永垂洪烈齊唐陶大書深刻一千  
字力挽巨海迴波濤卽如銘詞典重亦似出燕許不然如椽

大筆誰能操謂將從此忘後患

文云將多於前功而忘彼後患

豈意先笑終

號咷飛霜殿上豬龍逃延秋門外鳴弓刀太平不告兵屢告  
燎柴火換烽煙高青驪遠去劔南道無復御馬登神皋秦松  
漢柏亦何有回首泰山萬里空唧嘈我昨渡河來望遠心魂  
勞未臨日觀觀突兀每指雲闕思翱翔側聞此碑推拓洵不  
易梯空上似懸藤蓀玉堂仙人何年得此本販來美錦誇蒲  
荀高凡三丈關一丈背負那不煩靈鼈縱觀何異篋刮目入  
分妙理窮秋毫平生懷古感興廢雲煙過眼增切切東鷄西  
鰈亦何取銘功表德徒稱襄中興之頌摩崖早靈武君王又  
柘袍

辛丑十月移居蒲褐山房卽趙天羽給諫寄園故址

我本識字耕田夫一椽家住錢塘湖自從釋褐注朝籍破屋



久向長安租一年官俸抵不得打門那免人追呼中庭更無  
 草木映如人面目先焦枯昨晨過客為我說有屋乃在城西  
 隅寄園名字耳所熟况復價減千青蚨天寒手指凍欲裂移  
 家連日忙妻孥莫謂先生家具無有酒在甕書在廚蹇驢一  
 頭車一輛從以赤腳長鬚奴入門老樹相顧笑此閒去住皆  
 酸儒趙家給諫老著述墨痕四壁常霑污當時談空說有處  
 滿窗落葉嗷飢鳥後來名士尤作達於此但結文字娛村夫  
 子相誰不識今朝又入移居圖牆陰手剔故人迹尙賸健句  
 追歐蘇壁間有王蘭泉鴻臚移居詩石刻先生自喜道不孤檢書插架酒注  
 壺飲酣一吸盡江海歌罷萬籟調笙竽人生大抵如寄耳能  
 寄所寄惟吾徒欲從莊叟論齊物誰信柳子非真愚來春坐  
 待花樹發繁枝壓屋清陰鋪開簾無事日把卷何必更憶秋

江鱸

韓蘄王將臺三首

古洞飛泉走白虹，高臺大樹激悲風。  
徒煩狡兔營三穴，眞見將軍落半空。  
鼙鼓聲沈雲壑裏，蟲沙夢雜漆林中。  
寫碑藉表威名重，纔戰幫源已勒功。

野血猶腥舊戰場，誰驅此輩肆猖狂。  
青山亦墮刀兵劫，白骨終饑花石網。  
盜賊有時闌氣運，英雄無策救危亡。  
卽看名將中原在，已有柴車北走忙。

勳業雲臺記爛如，朝端又上中興書。  
一星此地先生客，半壁誰家老將驢。  
過耳風雷殊駭世，回頭煙水似留余。  
清谿賦罷招魂句，猿鳥能來問起居。

桂未谷以所藏山谷詩孫印贈黃仲則

景仁

屬余爲詩

記之

金華仙伯歸玉峰踏雲去弄青芙蓉詩孫未識是何代朱文  
小印銅花封未谷得之不自有卻付公家後人手後人詩好  
繼前人如向蘇門見黃九西江妙語誰討論心香一瓣今猶  
存公於此派爲鼻祖後起母乃皆兒孫淵源況復同一綫豈  
謂工詩例貧賤夢中彩筆倘能傳但作詩孫吾亦羨乃公昔  
日淪謫多簪花白髮愁如何磯頭徒感新婦石天上自唱琵琶  
歌黃生黃生今少年置身合在青雲邊肘金如斗亦容易  
蟲魚不用窮雕鐫春鐙搖綠杯浮螳座上如君能有幾我歌  
便欲索君詩還乞芝泥紅押尾

宋文丞相遺像二十韻

有天啟元年五月  
周思介公題名

人生皆有死但取此心丹汗簡千秋在遺容再拜看秀眉與

長目古誼復忠肝  
聲伎捐除易英雄  
號召難中原無土地  
滄海更波瀾花鳥西湖盡  
烽煙九廟殘全家罹虎穴  
微命託樵餐半壁難存趙  
三年未報韓橫江來白雁  
歸計失黃冠帝哭冬青冢  
臣悲皇恐灘王孫鷗影斷  
師相蜂聲寒負愧甯逃史  
成仁信蓋棺棱棱冰硯賸  
續續寶琴彈異代誰同調  
題名誌肅觀對公雙淚落  
念國萬憂攢緹騎南天下  
淒風北寺酸刀砧戕正士  
社稷殉中官共有青編重  
安能碧血乾頭顱紛義侶  
竹石激哀湍明月遙相照  
蛟龍夜鬱蟠

宋孝宗書紈扇真迹

詩曰春雲初起拂青林冉冉因風度碧岑既解從龍作霖雨沛然出岫豈無心後鈐選德殿書小印蓋當時題畫之作

阜陵宸翰廿八字選德殿書玉章記西湖花鳥風正晴憂民  
卻寫爲霖意冰綃脫自龍女梭羅袖動涼涼已多君王不省

班姬怨君王自喜大風歌

孝宗春晴有感詩神州應未遠當繼沛中歌

同時猛士

韓岳死誰為中原雪餘恥賸箇清涼搖扇人符離之敗吾悲

矣

符離之戰邵宏淵謂眾曰當此盛夏搖扇于清涼猶且不堪況烈日中被甲苦戰乎人心遂搖從龍作雨

思賢臣廿七載見垂衣勤毫端揮灑動雲氣與民益益同為

春荷花桂子春復秋重華宮裏西風愁扇紈零落那足道德

壽筵歌感夢遊

### 晚次喀喇河屯

邊色起黃昏羣山似陣屯馬蹏穿石角虎迹躡松根漸近村

前面初高月一痕地鑪紅更好腰腳藉溫存

### 倉史造字圖孫淵如比部

星衍屬題

蛟龍脫走急電奔炯炯四目窺堂軒曰倉帝儼天子尊亦云  
左史臣軒轅沮誦者右茆佉昆視斯籀輩其兒孫陽墟山矗

青嶠嶠元扈水注流渾渾神龜丹甲兆坼焯綠圖推闡包乾  
坤星光倒攝奎躍垣駢田飛走交夙蟠複身放尾聯蟠蜿光  
怪發洩驚聾昏破空粟灑秋點繁書生猶憾今無飡酸風夜  
墮薛荔魂洪荒老魅聲暗吞萬古慘慘陰寒屯我初讀畫不  
敢捫捫之指溼雲煙痕惟孫君乃承淵源三倉掇拾不憚煩  
古注細緝梵夾繙存什一于千百言厥功要踵許重論而我  
更有箴規存讀書讀律同一原陷文不活神所冤始制文字  
垂黎元忍聽巨猾手覆翻願君西曹務平反靈光可借照覆  
盆免使新鬼嘒園門蓬蓬腕底生春溫勝銘鼎鬲盤匱罇

題黃陶庵先生手迹

并序

此先生丙子赴應天鄉試所作也是歲仍失解歸詩  
中有擊楫知誰是洪濤日夜聲平生出處意思與曩

賢盟之句其志可見矣

斯人能不死當日尙諸生遙憶吟詩處如聞擊楫聲中原甘  
盜賊大節殉科名莽莽山川在回頭碧草橫

錢南園副使畫馬法時帆屬題

拂拭蛛絲光采溢真見麒麟壁閒出風塵埋沒自何年諦視  
乃識錢侯筆錢侯立朝有直聲不以一藝尋常鳴沙苑滇池  
眼所熟偶然欲畫雄姿生睛如懸鈴耳批竹一匹歎沙一歎  
玉拳毛不動立春風寶勒金鞵謝羈束精神愈斂意自奇俯  
仰落落非求知畫內畫骨等形耳古來有德人重之此材緩  
急差堪恃誰遣丹青愁滿紙同槽蹏齧未須驚蕤蕤之銜吾  
懼矣詩龕慘淡雲煙開招魂彷彿錢侯來回頭夕照無顏色  
寂寞金臺骨已灰

題周端孝先生血疏貼黃遺迹

疏凡百四十四字係端孝刺指血書者其中

鼎湖勸進四字姚文毅公恐其觸犯忌諱端孝因復刺舌血書成上之而此稿遂傳于世云

南入指常山舌千古淋漓血不滅臣忠子孝何分別同是心  
頭一腔熱此疏乃出端孝遺顛天會荷天鑒之腥雲漉漉紙  
上起想見一鐙慘淡搖毫時嗚呼羣闕柄政陰疑陽乾坤閉  
塞迷元黃忠良一網幾打盡化碧豈少人閒藏扶桑日出冰  
山倒不殺仇人心未了指枯舌爛捫有稜十三行贖鋤姦草  
丈夫血性人盡同論其大者孝與忠其餘義烈皆可風君不  
見一棹吳閭東去路五人墓上草心紅

題黃仲則遺詩後

謫仙樓上謫仙詩如此才華可惜之廿載風花龍出骨萬言  
珠玉豹留皮美人黃土今生歇才子閒情若箇知想見一鐙



秋雨裏通眉長爪苦吟時

出錢塘門訪洪稚存楊蓉裳郭頻伽于詒經精舍不值

宿煙埋樹溼於灰野水連陂綠似苔半晌寒生桑翦颯養蠶

天氣作黃梅杭俗有蠶黃梅之說

挈鷺提鷗主客俱鷹門識我只長鬚攏船聞在黃妃塔隨著

鐘聲捧過湖

許烺字樂亭號墨孫錢塘人乾隆乙未進士官翰林院編修降補內閣中書著思補軒詩集

署堂邑陳明府枚殉難詩

蜂蠶生袖中壯夫良變色矧茲蝮種繁叢毒奮頃刻發于肘

腋閒例無嚴兵飭緣土以為城鳴琴而奏績一朝聞邪謀發

捕如火急詎不計反噬鋤莠乃其職羣逆果宵來矢守支獨

力獨力安可支巷戰逢路絕至此清正聲猶足緩鋒鏑君義

不後死舌斷終罵賊難弟曰元樑慷慨同赴節志士在成仁  
國典褒忠烈何止桐鄉祀千秋縣廟食

蕭

濂字學周錢塘人乾隆乙未  
進士官廣西龍州同知

寄衫圖爲汪龍莊

輝祖題

病骨稜稜強自支小寒庭院下機遲可憐篝火縫裳夜便是  
登山化石時

槿花手織輒於綈擬託雙魚寄書西絮語中宵頻檢點怪教  
殘淚溼封題

幢幢鐙影照迴鍼顧語猶傷伯姊心一樣梧桐深夜雨擣衣  
誰更試秋砧

錦衫題畫最風流荆布憑將冠帔酬料得芳魂長脈脈何年  
席帽洗春愁

張姚成

榜姓姚名天成字自東號詡軒又號忍庵仁和人乾隆乙未進士官江西糧道

杭郡詩三輯忍庵以薦修通鑑綱目三編授中書復姓張名姚成曾任山西學政由中書入直軍機官至江西

道繼

竹谿滌硯圖黃煜屬題

鐵硯齋頭始識君當年舊雨幾人存惟君雙鬢青如昨鐵硯空餘宿墨痕

西子湖緒萬斛泉雨江千頃欲浮天黑蛟蟠屈終嫌窄又挾元雲到海邊

前臘重逢市駿臺恩恩分手歲初開天公未許逃詩債特遣乘輶過嶺來

每十年來一寫真此圖題處是南閩未知第四圖成日何處題詩續戊申

陳觀國

字懌齋海甯人乾隆乙未進士官江蘇海門同知著懌齋詩草

海昌備志觀國官蕭縣以振災得民心官海門同知應

請於學使者奏設學額四名由是

應試者得免風濤之患士咸德之杭郡詩續輯懌齋為清恪公元孫生平遊燕齊粵蜀而

河洛嵩少之閒往來尤數羈旅半愁奚囊頗富吳穀人

錫麒言其詩清

邁瀏亮信然

吾鄉許公勉燉曾宰陳留有惠政今幾百年尸祝之口

不絕經過聞之作此志慕

陳留古劇郡天寒野蕭蕭病槐餘老幹凍麥含新苗賢宰懷

許公兩漢賢良曹不惜催科拙自覺保障勞遺愛及後世俎

豆陳牲醪至今三十載民俗猶歌謠天公報不爽孫子皆俊

髦掇科如拾芥鳴鹿歌萃蒿

子光基孫鍊與華鐘相繼登科

廉吏不可為此

說見已膠驅車一感舊催雪風聲饗

夜過寶應

夢轉聞人語言過八寶城風鐙魚浦影霜析戍樓聲酒醒鑪  
煙燼寒多布被輕推篷一凝眺圓月十分清

秋夜

淡淡銀河露氣清短垣籬缺亂蛩鳴傷秋腸斷江南客又聽  
孤鴻第一聲

羅錦森 字衣樹臨安人乾隆乙未進士官內閣中書

讀晉書

洛陽荆棘甕城秋典午東西王氣收一代風流餘麈尾半生  
名節失枋頭渡江幾擊豫州楫傍月空登都督樓料得書空  
徒咄咄鱸魚不解季鷹愁

汪輝祖 字煥曾號龍莊蕭山人乾隆乙未進士官湖南甯遠知縣祀鄉賢名宦

先正事略君少孤繼母王生母徐教之成立世稱汪氏  
兩節母君才識開敏尤善治獄前後入諸州縣幕佐治  
疑難紛淆一覽得其要領以經術決獄皆曲前人籍籍  
頌神明而君益欲然官甯遠未四年以足疾告歸嘉慶  
元年舉孝廉方正固辭少尚志節老而愈厲性至孝自  
以孤子所繫甚重故於守身之義懷懷自防官私一介  
不取者表之以所守自矜撰父母之行狀乞天下能

文章者略君練習吏事前後入諸州縣幕佐人為治尤  
阮元傳略君練習吏事前後入諸州縣幕佐人為治尤

善治獄平情靜慮俾境無事前多所全活以幕佐人為治尤  
四十六成進士選湖南甯遠縣知縣維維俗積逋而

多訟君用書告民割切誠至民讚之慚且感相戒無負  
好官不逾月而輪賦足額治事廉平律之窮通以經

術他邑有訟聞移君鞠之則喜以足疾自劾免歸而閉  
戶積書數萬卷不問外事暇輒手書一編丹黃鉛槧躬

自校讎以謨述課子孫嘉慶元年尚志節老而愈厲持  
詔舉孝廉方正邑人以君應君辭君少尚志節老而愈厲持

論挺特不可屈域而從善如轉圜常自謂生平得力在  
吃緊為姓之學讀書貴通大義凡所論述期實有濟於

留意名姓之學讀書貴通大義凡所論述期實有濟於  
用其尤著者學治臆說佐治藥言二書余撫

浙嘗行其書於有司權撫河南復刊布之  
陶潛宣日先生著元史本證五十卷讀史掌錄十二卷

史姓韻編六十四卷九史同姓名略七十二卷二十四

史同姓名錄一百六十卷二十四史希姓錄四卷遼金  
 元三史同名錄四十卷學治臆說四卷佐治藥言二卷  
 龍莊四六稟二卷紀年草一卷獨吟草一卷題衫集三  
 卷辛辛草四卷岫雲初筆二卷楚中雜咏四卷歸廬晚  
 稟六卷過眼雜錄二卷詒穀燕談四卷汪氏追遠錄八  
 卷越女表微錄七卷善俗書一卷庸訓六卷病榻夢痕  
 錄三卷又有論愁符詞草二卷舟見錄一卷家傳及序  
 錄皆不存目先生長于史學其書寇亂後唯史姓韻編  
 及佐治學治二書病榻夢痕錄有重刻本餘稟傳本極  
 少去歲訪得元史本證在廣雅書局手為校刊殺青才  
 竟見刻史學叢書擬廣訪先生諸籍廣續開雕集  
 乙部之鉅觀鴻於越之藝文附記於此以為息壤  
 孫德祖曰先生自臆說藥言二書外有病榻夢痕錄十  
 卷錄餘一卷梓入龍莊遺書心迹如青天白日有德之  
 言有非傳氏治譜所可盡者詩亦名家附見錄中者皆  
 有為而作至性至情仁慈憫悌中具有堅貞不撓之節  
 時時流霽于言表即制舉文字亦復能存先正典型讀  
 論文絕句十二首可以想見其學術之純正願以治行  
 掄之猶山陰內史抱與午一代  
 經濟才而世第傳其書法也

昔有詩二章示 培塚 兩兒

昔有兩閒屋晨昕西夕照長夏苦炎威炊煙襍茶竈我依二

母居一經課後效牀前書几陳蠶蚋常繚繞攤書紡車旁形  
影互相弔庭闈樂復樂寬窄那計較卽今擴新居高爽向南  
曜雖殊廣廈觀幸免偪仄謂是處可延佇堂移隨所到誰云  
熱難避廢書日坐嘯古賢容膝安努力事雠校

昔有一束書無多手澤在雜誦功易殫文章溯流派一瓿偶  
借人何處得津逮勤勤剋期鈔腕脫敢云憊一隅以三反周  
行問向背揣摩顛且精倖邀葑菲采卽今萬牙籤經史頗萃  
薈餘力羅百家編輯及細碎愛博情轉疏讀多不求解譬如  
寶山回空手徒自慨古賢惜分陰青春可能再

丙午謁選展先墓示兒輩

不羨遷除不計財書生官是偶然來吾今老大何奢望只盼  
承家汝輩才



依人懷袞帝天臨劬體甘貧直到今今後全家資祿養敢因  
從宦負初心  
名最難居父母官拊循不易況摧殘忍收百斛蒼生淚灑向  
孫枝未許乾  
徵書到手幾徘徊自信頭方非吏才臨別一言吾不食焚黃  
事了便歸來

### 新嫁孃

新嫁孃知得否昔日女今日婦婦不易爲味調眾口況當兩  
姑閒酸醜從所受人人到眼皆生疏先後周旋法誰某小郎  
衣履小姑繡管攝不周或叢咎凌襍米鹽黽勉井臼殷勤結  
襦三致辭願兒賢聲榮阿母新嫁孃知得否

### 鸞婦行

枯樹猶有皮小草自有根結髮爲夫婦死守何計富與貧小  
草根已空枯樹皮亦盡願爲共命鳥枵腹相依同日殞郎憐  
妾妾憐郎一生兩生一匹兩匹天寶爲之命不臧郎命重千  
鈞他日生兒承祖禋妾命輕一葉鬻身尚可資郎食相嚮淚  
浪浪沿街索主無歸鄉青蚨多少曾不較誰能增益一口糧  
峩峩大鰲長隄織與郎才于求所適一步徘徊一迴看從此  
難望同井邑金閨運丁愛嬋娟有貨在囊坐在船可憐二十  
操家女換得卅百青銅錢良人受錢還願婦運丁鞭叱下船  
走糧船歲歲隄上過郎能再近船邊否

鬻孤篇

四十衰媪人誰憐十六七女錢五千女年漸少錢漸減猶能  
乞與往來船獨有男孩人不惜嗟嬰往往委道邊垢面老人

年七十挈五歲兒語連連首如崩角淚雨下謂此兒繫祧五  
傳悲哉兒母吾子婦子亾婦亦歸九泉吾老何由勾兒食兒  
命知無旦夕延長隄稽首辰過午莫之顧者頻呼天鄰船蒼  
頭心惻惻飼以胡餅裹以氈許爲養子攜以北約略酬之三  
百錢小兒雀躍趨僕抱老人嗚嗚夕未旋誓不敢受賜兒直  
惟願撫兒得長年黃昏換舵篙欲發老人再拜聲淒然主人  
勸慰起掩淚眼光遙注北去船嗚呼小兒喜得所誰念老人  
溝壑填方信生男不如女女直差可供粥饘我哀老人心蘊  
結翦鐙爲作鬻孤篇

涿州道中見驅騾者戚然有感邀春田同作驅騾行

琉璃河外塵影高騾馱載如絲纜騾夫驅騾咤叱豪謂吾  
豢養夕復朝庇爾有廢飢有槽匪需爾力胡爾茆力小不稱

頻鞭敲騾也仰天悲慙號嗚呼爾騾不自料何弗麋鹿同道  
遙棧豆戀戀未肯拋食人之食勞人勞上公卿下簿領曹量  
能給廩誰嬉遨騾乎騾乎安所遭主人芻粟非濫叨

之官甯遠輿中作

驚朽何緣答

聖明郊圻百里荷專城長憂官折兒孫福難副人稱父母名  
翹首爭看新令尹捫心自媿老書生貪天惟有豐年頌歲歲  
平安到宦成

論文十二首示崇正書院肄業生

言孔孟言大是難

幸貢院詩煌煌

天語訓儒冠買珠莫便輕留犢龍領探來子細看

枵腹難雄抵掌談心花意蕊古今含試看四月抽絲繭都是

三春食葉蠶

學得飛昇鍊骨仙精神到處細筋聯開枰一著關全局勝算  
須操下子先

堂堂正正陣雲排徽倖奇兵萬一乖底事蠶叢尋別徑杏花  
春色在天街

浮煙漲墨總無情依樣壺盧作麼生聞說傳神歸阿堵休教  
眉眼不分明

不律陰持造化權何當苦調補哀絃維陽痛哭才伊管梁傅  
傷生尙少年

第一難醫是俗塵陶鎔六籍出鮮新摭將成語供塗抹班馬  
韓歐也誤人

侏離鉤棘轉喉妨語到科名要吉祥省識虞廷颺拜體書生

羔雁是文章

毫端生氣幹靈機落紙煙雲字欲飛赤腳十年行且嫁丹青  
虛寫五銖衣

黃河九折勢奔騰路入千巖逸興增若使岡平流直瀉教人  
留眼阿誰能

力窮穿縞笑羸兵善始謀終氣自盈解悟秋波臨去轉歌闌  
應有繞梁聲

骨勁神清藻采妍朱衣能使命無權米顛贊石傳三字乞取  
論文得妙詮

試院述懷

參斗芒寒夜氣深短檠搖影更披尋也知遇合關渠命未敢  
倉皇負我心青鬢能消秋幾度驪珠肯使海終沈區區報

國文章分桃李他年何處陰

內簾十詠 錄二

落卷

千古文心如面然春華秋實那能全風簷駒影馳彌迅蜀道  
蠶叢徑易偏無可柰何終一抹誰能堪此又三年飲名多少  
荆南客枉費君平卜肆錢

接遺

緘題入篋已經宵斐几重攤念寂寥萬一看朱曾誤碧尋常  
畫雪可兼蕉摘髭科第

恩方渥撒手因緣氣忍驕添得幾行評語在鴛緘欲度轉無  
聊

附身衣成賦得一律

斟量要領放寬裁舊典朝衫待贖回至竟終隨黃土化當初  
祇是赤身來裹非馬革生何恨兆得牛眠死莫哀聞說王孫  
會裸葬未能免俗亦堪哈

徐立綱

字鐵厓上虞人乾隆乙未進士官翰林院編修

上虞詩集鐵厓嘗典試湖南督學安徽緣事左遷著有五經旁訓辨體合訂鐵厓詩文集

渡江

岷沱滾滾日趨東鼓柁須乘萬里風吳楚千帆煙水外金焦  
雙髻浪花中古來爭戰有誰在天下江山無此雄豈爲承平  
忘設險戍旗高捲夕陽紅

梁學昌

字蛾子錢塘諸生有蕉屏覆韻集

楊振鎬曰蛾子晚號道子爲諫庵明經長子與諸弟剛經柔史曰有課程嘗舉明經所著史記志疑及清白士集六種摘次哀集爲庭立記聞四卷可謂善承先志者又學畫于家鐵生高致雅韻絕非尋常世胄之比



仲夏重上玉龍山探仙人洞

早起褰衣上翠巒，煙橫霧鎖步偏難。  
重尋舊徑迷芳草，爲訪仙蹤認石壇。  
聞說富春通綫路，正當江面繞銀瀾。  
昔游彷彿猶堪憶，何處分將換骨丹。

偕汪然青登玉龍山

出郭逢素侶，閒眺仰高峰。  
試問道旁人，云此名玉龍。  
耳熟身未到，步履欣相從。  
路轉徑逾遠，升麓勢更隆。  
層層山色迴，窈窕窈谷中。  
空磊磊積怪石，青青列長松。  
側耳聞斧音，尋蹊招樵童。  
攀枝作短杖，偕行興不窮。  
忽覩竹陰裏，巍然聳靈宮。  
力疲氣已竭，叩寺羽客通。  
松毛烹綠茗，如飲霞漿濃。  
盤桓暝色催嵐合，雲蒙蒙。  
重巒束江狹，落日照面紅。  
出寺還躑躅，迷卻來時蹤。  
山中無名鳥，羣聚棲舉叢。  
人過驚爭飛，決起聲如風。  
茲

游頗奇絕疏豁開心曾巖深按不到恐有異境封歸家常夢

往褒禪將母同

陸光濂

字景周號蓮谿平湖人官貴州黃

石瀨

山房詩話蓮谿少儷有大志以供職

四庫館

期滿發黔省攝黃平州值楚南釋騷承辦模糧芻

焚火繩

馬匹如出素備上官奇其才丁巳二月狎苗犯

安順奉

檄守關嶺糧臺賊晝夜仰攻蓮谿親冒矢石相

持浹旬

賊將遁回事尾後追擊賊從間道夾攻眾大潰

蓮谿聞

變往援以槍刺殺數賊已亦連被數槍急願僕

日吾死

此職也汝持槍歸猶吾歸也遂投崖下死月餘

賊平宛

平馮公命僕蹤迹之得屍顏色如生有大樹偃

覆如蓋

事問

賜祭葬廕雲騎尉世職

麻陽船

天涯浪迹八九年今朝始上麻陽船灘河水淺亂石齒船底

雖平薄于紙長年推挽防觸礙一日纔行十餘里遙望貴陽

如九天恨不奮飛生羽翰行路難復難人情況又如波瀾公

無渡河公竟渡一鞭遙指天南去回首鄉關隔煙霧

將之黔留別親友

八千里路啟征途短驛長亭轉眼殊吳苑鶯花空爛熳楚天雲水漸模糊桑弧敢負四方志蒲酒難消七尺軀他日相思

勞遠望琵琶山月半輪孤

周祥茲 字申來號仙雲長興人著炎雲齋詩集

縣志祥宏壯歲好游不遠千里遇山水勝處輒登臨吟眺適然自得晚乃杜門不出雜蒔花竹以自娛孫德祖曰乾隆二十七年濬湖漉湖守以祥宏父以成素醇謹命董其事以成攜祥宏往留督役同事子弟多朋酒徵逐祥宏獨早作夜息危坐工次工速而深固守巡視異而問之曰利灌輸公事也承父命私事也公事弛貽害鄉邑私事廢獲罪於父是以不敢守大喜手書楹帖及題匾獎之事具縣志孝義周以成傳今其後人尚能以詩禮傳家循術守法亦長興士族之克承先訓者矣

高士吳琬墓

樂處何人尋孔顏出門東望憶環山而今百尺樓何在拱木  
蕭蕭暮靄閒

陳世熙

字廣颺號蓮塘山陰諸生著鐵崖山房詩文集

舟中坐雨懷故鄉諸友

山煙翳淺黛暮雨漸紛紜江色暗吞樹雁聲寒入雲羈遲愁  
異地孤寂想同羣劇有鄉關夢微吟到夜分

舟行偶見

一棹破煙去萬山蒼翠中遙隨曲谿轉忽與小村通雞犬有  
閒意桑麻多古風因知人境外清曠迴難同

送友

鑑水茫茫夕照微驅歌一曲送將歸四山黃葉征帆落千里  
寒潮客雁飛聚鐵還憐鑄錯少碎琴惟恨賞音稀霄谿煙雨

桐江雪好著羊裘坐釣磯

吳

炳

字芥舟樹增子諸暨諸生

陳嵩慶曰君生平立節概重氣義婺州葉蒸山陰王克甯俱工詩與君友皆稱貨不能償率君悉還其券又重周其家嘗手百金營救郡守木公和倫論者以儒俠稱之晚見里閭浮靡選陳蔡顏所居曰南村暇輒為古體詩雅與靖節格意相近

答梅庵南村詩二章仍和陶韻

陶固愛吾廬我亦安吾宅乾坤一傳舍古今一朝夕俯仰上下閒胡自紛憂役情不返自然動履多躡席課耕耦十千傾

壺酒一昔南村同逍遙千載不離析

有客卽有酒有酒卽有詩往來無賓主疆界誰限之陰陰喬木下皆可以休思翼翼山梁雉亦各適其時為善靡不樂念釋宜在茲深感良友箴違道吾誰欺

汪

字展廷號士純淳安人著道岸堂集

家傳略士純蒔花種竹飲酒釣魚日與朋儕酬倡悠然自得著治家集古錄處世要言未刊

山居漫興

板橋沙路轉逶迤青草園林白露時爲看好山頻駐馬緩行  
流水獨成詩松閒客到題名久雲裏僧閒說法遲恰喜太平  
無一事琴囊茗椀日相隨

朱上杞

字樵雨麗水諸生著樵雨詩文二集

韓錫祚傳略樵雨青田人年十三入麗水籍時膠庠老  
儒揣摩詞章聲調而樵雨少年銳氣與同學裘世琰起  
而唾涕揮之屢遭詆訶不顧初婚講古內則法家人頗  
疾之父沒哭踊盡禮築室墓側晨夕上食三年泣涕而  
瘖咸謂至性過人不可及弟上錦通算術縉雲令謝公  
有輝主其家夜宴客上錦方九歲聞坐客論天文上錦  
問南丈人星西入地連珠星何以不入地謝公略以恆  
星日躔與之語上錦曰然則天地如球鏡外動內不動  
乎然則北方星常見南方星常在座不見乎又語以月弦望  
乃日光遠近之故有文士在座不解上錦曰君知月如

球圖非鏡圓則解矣公拍案  
歎異年十五補文學皆早卒

好谿權歌

移來三板柳陰中青竹篙兒白箴蓬知是上灘行不得挂帆

好待滿谿風麗水船之大者曰三板

綠蓑換酒叩柴扉酌楫灘清盡醉歸醉起卻歌山月小鷺鷥

白白夜驚飛酒之美者曰楫灘清

兩浙輶軒續錄卷十一